





LAMENTATIONES
Obscurorum virorum
EPISTOLA
D. ERASMI
ROTERODAMI,

Quid de obscuris sentiat, cum
cæteris quibusdam, non minus
lectu jucundis, quàm scitu
necessariis.



COLONIE,
ANNO clo Io c xlix.



OBSCURORUM
EPISTOLÆ,
SIVE
LAMENTATIONES.

I.

SIMON LUTZBUBULARIUS
Ioanni Peltzflickerio S. P. D.

*Heu quàm precipiti mersa profundo
Mens hebet, & propria luce relicta
Tendit in externas ire tenebras !*

Heu me miserum, heu nos infelices, quàm obscurâ nube nostri caligant oculi, & mentis vigor relanguit? Gavisi quidem eramus nos obscuri solum REUCHLINISTAE, & jucundo manuum plausu, amicorum nostrorum gratulabamur epistolis. Sed nescio (hei nobis miseris!) quid obstreperi rumoris excitare nobis videatur, nostrarum depromptor lamentationum. Sacrae nos fugiunt Musæ, Apollo deserit, Charites detestantur. Melius itaque nobis est ire nunc

ad domum luctus, quàm ad domum convi-
vii: Ejulatione opus est (quantum mihi vi-
dere videor) non exultatione: lacrymis, non
deorum cibo. Vereor admodum, ne dum
simplices ac sinceri Christi fideles, plenè jam
sapere cœperint nostra mysteria; quas alii
nequitias, alii blasphemias, alii verò nebulo-
num versutias (nescio quo ducti spiritu) ap-
pellitant: Vereor inquam, ne & hi, quorum
defensione & assistentiâ in hunc usque diem,
nequicquam gloriati sumus, in contraria tum
versî, Crucis signum ac indulgentias à nobis
impiissimè permerdari, Tunicam Iesu Christi
pediculosam nuncupari vestem, Regum cor-
pora Coloniae reposita, & summis honoribus
à maximis quibusque in Ecclesiâ hætenus ve-
nerata, veluti rusticos ex Westphalia rideri,
& alia his similia, ægrè sint laturi; debitâ-
que tandem animadversione adhibitâ, punire
nos omnes pergant, & in sterquilinum in-
famiae conjectent. O quàm mihi metuo!
nec mendaciis (ut video) nitendum est, nec
eorum patri. Iuva me obsecro consiliis tuis.
Nam siti enectus est Tantalus. Vale diu.
Tuitij ex porcinâ Iudæorum harâ. Anno M
D XVIIII.

IOANNES PELTZFLICKERIUS

Simóni Lutzbubulario S. P. D.

ACCEPI literas tuas, mi suavissime Ioannes, quibus continuò lectis in ecstasi corruì, ac densissimam ferè domus postem capite meo infregissem. Quid multis? Accurrunt amici, confluunt vicini, contrectat venam medicus. His omnibus peractis, ac cœnâ tandem opiparè instructâ, legi assidentibus tuas ad me literas. tacuère omnes qui aderant præ timore: attamen quum omnia nobis dicere putarent, rumorem vulgò discussum parvi fecère. Audio tamen (ut ingenuè fatear) quorundam haberi colloquia, qui poëtas quosdam bonos & sapientes esse dixerunt, Christi opprobria descentes; eosque crucem à nobis permerdari & rideri, tristissimo ferre animo palam affirmabant. O nos miseros & infelices! Non possum te consolari super his rebus, quum nihil præ se ferant (ut inter nos loquimur) probitatis. Omnia in præcipiti rotantur. nemo nostrum sit, qui non luctu ac mœrore, & in tenebris & in umbrâ mortis somniculosâ, instar gliris, contabescat. Nulli tamen nostrum concidat animus. Plures enim numero Theologis sumus: nec illi nos sophisticis suis syllogismis aut li-

bris sententiarum convincent : qui præter doctores Ecclesiæ legerunt nihil ; nec illud quidem Vergilianum intelligunt, *Coridon ardebat Alexim*. Vale. ex Buckelmunda, Anno quo supra.

III.

IOANNES PELLIFEX

Bernhardo Plumilegio S.

NOVI te esse Astrologum, & capitulum Valerii Maximi de somniis lectitasse ; te quoque esse haruspicem & necromanticum. Quare te oro atque obsecro, ut corpore sphærico ritè diligenterque à te perspecto, hoc mihi dissolvas portentum. Dormitanti mihi hac nocte plurimumque stertenti tristis quædam imago apparuit, quæ me in penetralibus intimis cubantem terrens, quietem somni dulcissimam interrupit ; noctis quoque fecit excubias & lacrymabili voce ac planctu pectoris juxta lectulum stans, magnos effudit ejulatus. Quid hæc portendant ignoro : Timeo inferni potius (de quo noster Capnion locutus est) quàm superni Iovis fuisse imaginem, nobisque nonnihil infelicitatis imminere. Vale. ex Leiptzich. Anno quo supra.

IV.

BERNHARDUS PLUMILEGIUS,

Ioanni Pellifici S. P. D.

QUAS mihi misisti literas, ingratisimæ fuerunt. Addidisti dolorem dolori, & semimortuum penè interfecisti. Non est astrologia opus in tuo somnio discutiendo, non in astris hæc res sita est, sed in hominum nobis adversantium voluntate. Sume prius animum, ne quod nunc scripturus sum, te interram prosternat. Intravi nuper sacram divæ Virginis ædem, & ecce quidam cucullatus sacerdos, sacræ Theologiæ doctor, omnibus illic præsentibus, Breve quoddam Apostolicum ostendit, illiusque sententiam membratim declaravit. Dixit autem in eo contineri, Sanctissimum dominum nostrum Leonem Papam X. omnibus nobis maledixisse, nosque a nullo in terris sacerdote (exceptâ tamen mortis horâ) absolvi unquam posse. Adjecit quoque id ipsum de impressoribus, venditoribus & lectoribus intelligendum. Alia insuper in eodem Brevi continentur, quæ magis auditu horrenda sunt. Beatissimum scilicet patrem nostrum Leonem decrevisse, quòd Christiani omnes sub pœnâ excommunicationis latæ sententiæ, debeant nostras epistolas, cujuscunque etiam sint editionis, intra tres dies

comburere, quòdque nemo Christi fidelium sub eâdem poenâ, illas unquam legere attenter: quum & in scandalum Christi sint, & totius Ecclesiæ Catholicæ. Postremò præcipit cunctis, ut nostri notitiam habentes suis nos prodant iudicibus, quò meritas dare poenas cogamur vel inviti. Hæc boni consulas velim, teque quantum possibile est, consoles. Nam ego (ut ingenuè tibi fatear) ita sum animo consternatus, ut me fortasse vivum posthac visurus sis nunquam. Scribe interea cæteris contribulibus nostris rem omnem, ne soli in miseriis esse videamur. Nam dulce est, socium habere in poenis. Vale. ex Wittenberch, cum sacco per civitatem &c.

V.

I O A N N E S P E L L I F E X,

Bernhardo Plumilegio S.

TRistius nunquam habui somnium, severiorem nunquam somniorum interpretationem. Proh Iupiter! proh dii immortales! proh omnium princeps Musarum Apollo, quantis nunc arctamur angustiis! Nescio quomodo me consoles, quibus querar, aut quâ insistam viâ. Dolores profectò inferni nos (ut video) circumdederunt: ne tamen soli nos (quemadmodum tibi placet) in miseriarum sterquilinio.

linio delituisse videamur , Brevis illius Apostolici exemplar, priusquam moriar , ad me dato ; ut omnes perfrectâ fronte Reuchlinistas, trepidos atque anxios reddam . Tu verò quas habes epistolas , nolito flammis tradere : quia non opus est plura nos sacerdoti in confessione referre , quàm illum scire velimus . Vale. ex Dulmania : & Bacchum tui ventris Deum semper adora .

VI.

BERNHARDUS PLUMILEGIUS,

Ioanni Pellifici.

IAM mala me scabies , jam morbus regius urget :

Iam phanaticus error & iracunda Diana.

ME miserum ! *Sum plena cræoris hirudo.* Quod mihi de peccatis falsò confitendis scripsisti, summopere mihi placet. Possumus quoque hoc festo Paschatis ac deinde aliis aliquot subsequentibus festis, vel aliò proficisci, vel non redire domum absentes; talique ludo nos semper Christianos agere , donec clarior Phœbus nobis illuxerit. Mitto tibi hisce meis literis inclusum Brevis Apostolici exemplar : quod ne in manus Religiosorum veniat , tui erit officii providere. Paulò validior sum , &

A 5

Epicuro

Epicuro suum sagino porcum. Vale. ex Lyptzick. Præsenti quoque veneno (quo plurimum abundas) omnes isthic Theologos interfice, nosque semper maximi facito.

LEO PAPA DECIMUS.

UNIVERSIS & singulis presentes literas inspecturis Salutem & Apostolicam benedictionem. Intelligimus non sine gravi animi molestia, nonnullos iniquitatis filios, à quorum oculis Dei atque hominum timor abscessit, improbâ ac damnabili & temerariâ loquacitate dictos, quendam libellum famosum, cui titulus est, EPISTOLÆ OBSCVRORVM VIRORVM, ad Venerabilem Virum Magistrum Ortwinum Gratium Daventriensem Colonia Agrippinae bonas literas docentem, & reliqua edere, & editum imprimi facere, atque ad diversas orbis provincias, quò eorum temeritas notior fieret, & scandalorum materiam diffusius seminarent, mittere præsumpsisse. In quo libello inter cetera contra Sacra Theologiæ, & præcipuè Ordinis fratrum Predicatorum Professores, & Colonienses ac Parisienses studiorum in eâdem Theologiâ magistros, quorum aliqui nominatim exprimuntur: tot jurgia, contumelia, & convitia proferuntur; & alias tam spurcè & petulanter invehitur, conver-

tendo

tendo etiam ad scurrilia sacræ eloquia, ut expediat quantocius pro Christiana religionis honore illius lectionem tanquam labem pestiferam à rerum naturâ depelli. Scandalose verò hujusmodi garrulitatis auctores debitâ animadversione puniri. Quocirca auctoritate Apostolicâ, tenore presentium omnes & singulos utriusque sexus Christi fideles cujuscunque status, gradus, dignitatis & excellentie sint, requirimus, & monemus, eisque sub excommunicationis lata sententia poenâ, ipso facto quo presentibus non paruerint, incurrendâ: à quâ nonnisi à Romano Pontifice, præterquam in mortis articulo absolvi possint, districtè precipiendo mandamus. Quatenus infra triduum, quo presentium notitiam habuerint à dicti libelli, ejusque exemplarium lectione perpetuò abstineant, illaque per omnia igne comburant: & qui ipsius libelli auctoris seu ejus exemplarium impressorum vel scriptorum, aut illa tenentium, & comburere negligentium, vel recusantium, seu eorum alicujus notitiam habuerint, eos Ordinariis locorum, in quorum civitatibus vel diocesibus illi tunc moram trahent, aut eorum Officialibus seu Vicariis per eos debitâ poenâ afficiendos, infra idem triduum revelent. Injungimus quoque in virtute sanctæ obedientie, & sub eâdem poenâ, Ordinariis

prefatis, eorumque Vicariis, Officialibus &
 ministris, ut contra auctores diffamationum
 & illarum scriptores & impressores hujusmo-
 di, prout delicti qualitas exigit, justitiæ vin-
 dictam exerceant, & excommunicationem
 per nos latam in eos, quos illam incurrisse con-
 stiterit, inviolabiliter observari: & tam
 eisdem Ordinariis quàm parochialium & a-
 liarum Ecclesiarum rectoribus; ut quotiens
 super hoc pro parte alicujus Predicatorum vel
 alterius Ordinis Fratrum aut generalium stu-
 diorum Magistrorum in Theologiâ fuerint
 requisiti, presentes literas vel aliquid ex ea-
 rum authenticis transsumptis, quibus publici
 Notarii subscriptione, & alicujus Prelati vel
 Curie Ecclesiasticæ Sigilli impressione mu-
 nitis, fidem ubique decernimus adhiben-
 dam, in eorum Ecclesiis dum populi mul-
 tudo eò ad divina convenerit, duobus
 aut tribus diebus Dominicis vel festivis
 publicari faciat, etiam si expediat, ser-
 mone vulgari, ut quantocius fieri possit,
 tale nefandum scelus quod hæresin sapit,
 ne ulterius serpat, penitus extirpetur.
 Non obstantibus constitutionibus & ordi-
 nationibus Apostolicis ceterisque contrariis
 quibuscunque. Datum Rome ad San-
 ctum Petrum, sub annulo Piscatoris, die
 xlv. Martii, M D xvii. Pontificatus
 nostri

nostri anno quarto.

Iacobus Sadoletus.

VII.

IOANNES STRAUSFEDERIUS,

Nicolao Caprimulgio S. P. D.

MULTA mihi literis, complura vivo
narrant sermone, quæ quantum mihi
ac nostræ conjurationis complicibus displi-
ceant, neque calamo scribere, neque vocali-
bus organis explicare possum. Illud tamen
præterire non valeo, quod nuper à quodam
Iurisconsulto haud vulgariter erudito, non si-
ne cholæræ motu dictum accepi. Quando, in-
quit, Ollilambius unus de obscurâ Reuchlini-
starum aliquot cohorte, homo nequam sala-
ces suos ac planè histrionicos persequi volebat
jocos, & signum suæ amicæ in foribus merdâ
notare. longè rectius has literas S. N. sive
K. N. sub merdâ, in eo quem in Alemânicâ
linguâ faciunt sensu. Aut certè, si magis ver-
su id ludere placuisset. Hic os præpone, cru-
cis signo (per quod redempti sumus) longè per-
transito, collocasset. Eo namque pacto pul-
chra facetia (ut vestri Leckerii dicunt) talique
ludo maximè (sicuti dicebat) contigisset. At
crucem tam impudentibus rebus adhibere,
eamque permerdare, ac postea de utroque
glo-

gloriarī, nimis apertè (inquit) Iesu Nazareni
olet blasphemiam. Hæc ille. Ego verò ta-
metſi vera illum loqui, propriâ dictante con-
ſcientiâ non ignorarem, (quum, teſte Augu-
ſtino, conſcientia ſit mille teſtes) ipſe tamen
noſtro more & ſubito calore motus, mala im-
precabar plurimâ, ſed ſub ſilentio, & prorsus
nullo audiente: quum vulgaris turba, totus-
que ferme clerus, peſſima quæque de nobis &
ſentiat & loquatur. De contradictionibus au-
tem Zachariæ Lucentis Theologorum amici
rectè auguratus eſt Lutzbulularius noſter,
nam penitus à noſtris abhorrēt institutis.
Nullis itaque rebus attentis etiâ veris, quæ
vel contra nos, vel pro Theologis valere dig-
noſcuntur, hoc unum nobis agendum eſt, ut
noſter Reuchlinus apud Ruſticanam multitu-
dinem nullatenus decidiffe videatur, aut in te-
nebris nobiſcum deliteſcat. Iccirco aſtu, frau-
de, mendacio, & ſi quid aliud eſt quo Theolo-
gos, etiâ falſo, infamare poſſimus, ſemper
utamur. De veritate enim & juſtitiâ nulla no-
bis certa eſt ſpes. Cæterum dii fata ſecundent,
quum vel Theocrito teſte, Vivis duntaxat ſpe-
randum ſit. Vale diu. Moguntiæ ex domo
luctus & convivii, quam vulgò *Coronam* ap-
pellant. Anno quo ſupra. Saluta nobis poë-
tas quos iſtic noſtri nobis amicos, & Theolo-
gis inimicos. Iterum vale.

VIII.

NICOLAUS CAPRIMULGIUS,

Ioanni Strausfederio.

PROH Iupiter, proh dii immortales, quàm calamitosam mihi scripsisti epistolam! Utinam me gladio transegisses, ubi me tantis enecasti doloribus. O tremendum apud inferos Plutonium! Alii nobis ludibrio esse consueverunt, at nos illis modò. Cæca nimium & inconstans (ut vïdeo) est fortuna, quæ meritò cæcis nobis suisque similibus favere debuisset. Quid multa? Ego cholericus sum, nihilque injuriarum pati possum, quibus si iterum vel per literas fuero, vel certo vulgi rumore ante prospectum correptus, laqueo guttur infringam: quia satius est me meis rebus gestis apud inferos florere, quàm hîc sub orbe lunari à Theologis aliquam injuriam pati. Sic fac & vives. Vale. ex Lypr zick. & saluta nobis Iovem, nostri Apollini omniumque Musarum patrem.

IX.

PETRUS HAPHENMUSIUS,

Francisco Genselino Schelmoni S. P. D.

TRISTI sum patre genitus, matre melancholicâ. Patrum habeo importunum, diffi-

difficilem, querulum. Amitam quoque cunctis invisam. Non mirum igitur si tristitia tibi nunciem. Accessi nuper Ecclesiam in festo nativitatis Christi, magis ex præcepto quam bonâ voluntate: Et ecce Doctor quidam Zacharias nomine, nemini non dilectus, habebat in manu suâ Breve quoddam Apostolicum, in quo totus Obscurorum græx æternâ maledictione cûm omnibus suis complicibus severissimè punitur. Multis itaque in nostri contumeliam coram clero & populo in medium prolatis, stentoreâ cœpit voce clamare, O maledicta & execrabilis Obscurorum secta! O temerarius histrionum exercitus! O fœdissimi ludionum græges! O impudentissimi in omnes sycophantæ; qui neque Deo parcentes, nec sanctis ejus, viros bonos, pro Ecclesiâ Dei contra Oculare Speculum ad sanguinem usque decertantes, contumeliosis læscere convitiis non erubescunt: cum nihil ad rem facientes Capioni suo plus noceant quam prosint. Hæc & his similia Doctor ille constanter protulit; in me sæpenumerò tortuosos deflectens oculos, O quàm mihi timui miser, cui mors propior erat quàm vita! Nam si vulgaris plebecula me unum ex illis esse intellexisset, nunquam vivus rediissem domum: quum, teste Alexandro Gallo, *sit vulgus pelagus indeclinabile virus*. Vale. ex Norimbergâ. Anno quo supra.

X. FRAN-

X.

FRANCISCUS GENSELINUS
SCHELMO,

Haphenmüſio Philocapnioni S. P. D.

TRISTITIA exſiccavit cor meum, & caro mea immutata eſt propter oléum. Non ſunt mihi nova quæ ſcribis, ſed omnia quæ in Brevi Apoſtolico continentur, apud nos inva- luère, & divûm templis publicitûs affixa, ne- mo non aſpexit. Væ nobis inſipientibus! quò ſubitus calor, quò furor poëticus, quò inſana maledicendi rabies nos maleſidos perduxit? Honorare voluimus Ioannem Reuchlin pa- tronum noſtrum: at æterno illum dedecore, rectæ rationis obliti, plus æquo commacula- vimus. Fecimus quæ noſtri fuerunt muneris, licet nemo ſapientum (ut ſub roſâ tecum lo- quar) boni illa conſulât. Verûm enim verò, ut æquali te dolore extimulem, & par pari cenſear retuliſſe, Erasmus ipſe Roteroda- mus, Theologorum diſertiffimus (hei mihi vereor dicere) in epistolâ quadam ad Ioannem Cæſarium ſeſe à nobis laudatum fuiſſe, vehe- menter deteſtatur. Ne igitur ſoli ſapere videamur, juſtum tibi illius exemplar his occluſum literis tranſmitto; ut commiſſi criminis nos quandoque pœniteat, nos impudentiſſimos eſſe ganeones non ignoremus. Vale, ex Fri- burgâ,

burgâ, sexto Græcorum Kalendas. & Pythagoram tacendo imitare.

Epistola ERASMI ROTERODAMI, quam hîc honoris gratiâ interposuimus, ut ea quæ falsò illi à malevolis imposita fuere, quantoçius evanescant.

ERASMUS CÆSARIO SUO S. D.

Magnopere mihi displicebant epistola Obscurorum Virorum: jam tum ab initio delectare potuisset facetia, nisi nimium offendisset exemplum. Mihi placent lusus, sed citra cujusquam contumeliam. Sed molestius fuit quòd in posteriore editione mei quoque nominis mentionem admiscuerint. Quasi parum fuisset ineptire, nisi nos quoque vocassent in invidiam, & magnam partem fructus tot studiorum laboribus expetiti corrupissent. Ne id quidem satis est visum. En alter libellus priori adsimilis, in quibus crebra mentio sit eorum quibus scio lusus hujusmodi nequaquam probari. Quàm malè consulunt isti, non solum in seipsos, verùm etiam in omnes quibus bonæ literæ charæ sunt! Iam illud est omnium molestissimum mihi, si modò verum est, quod mihi istinc reversus famulus meus

meus Iacobus narravit, apud complures haberi Colonia libellum, nescio quem, in Iulium Pontificem, quomodo mortuus exclusus sit cælo per Petrum. Audieram jam pridem huiusmodi fabulam actam in Galliâ, ubi talium nugarum immodica licentia semper fuit. Eam opinor aliquis in latinum sermonem transtulit. Demiror quid istis in mentem veniat, cum sit otium & operam perdunt. Caterum admiror esse qui suspicentur tam insignem ineptiam à me profectam, opinor ob id quod sermo fortasse sit paulò latinior. Lusi quidem in Moriâ, sed incruentè: nullius famam nominatim perstrinxi, in mores hominum lusimus, non in famam hominum. Quod si vera mihi nunciavit famulus (nondum enim satis credo;) queso te Vir optime, ut istiusmodi nugæ impias pro tuâ virili premedas cures, priusquam excudantur. non quod isti digni sunt, quibus hoc præstetur beneficium, sed quod nostrum est, publica studiorum honestati consulere, quam isti talibus lusbis indignè contaminant. Porro quod ad me pertinet, scio neminem fore, qui me nōrit, quin satis intelligat, istiusmodi nanias mihi supra modum displicuisse, quippe indignas eruditis ac probis viris. Iacobo Horrensi multam ex me salutem dicito, cuius epistolâ dici non potest quantopere sim delectatus.

lectatus. De compositâ lite Reuchlinicâ, utinam vera nuncies. Nunciavit mihi quidam Alcmariensis, te alteras ad nos dedisse literas, verum eas nondum accepi. Bene vale doctissime Casari. Antwerpia postridie assumpta Virginis. Anno M D XVII.

XI.

IOANNES ARNOLDUS LYRICEN;

Pultrono Cultrifici, totique obscurorum cohorti S. P. D.

*VULNEROR, & clausum porto sub pectore
selum,*

*Crescit & assidue plaga dolorque mihi:
Sed ferientis adhuc non audeo dicere nomen,
Nec sinit aspectus plaga videre suos.*

Miserum est exturbari fortunis omnibus, Patres conscripti, acerbum quoque à doctis contemni; acerbius à docto & sapiente. Quid multa? Magnus ille Erasmus Sacrae Theologiae Doctor, poeta & insignis orator, nos veluti pestem quandam detestatur, fugit, insequitur & odit. Ubi nunc vires nostrae? ubi elatus animus? ubi nocturnae insidiae? ubi sesquipedalia verba? Hunc nostrum dolorem nulla auferet vetustas. Mors est nobiscum in olla. nulli diem proferre licet. Agimur

gimur enim fatis, id quod nobis est inevitabile. Homo proponit: Deus verò rem ipsam (ut video) disponit. Nulli sua manet spes.

*Quicumque non est hodie, cras minus ap-
tus erit.*

Suspendamus igitur nos ipsos in obscuro, ne tam intolerabilibus tamque mortiferis cruciatibus indies exagitemur. Quid vobis animi sit, quæ vires, quod consilium, quæ tandem defensionis nostræ propugnacula, me certior facitore. Dii bene vertant! Valete diu. WORMATIÆ ex domo Schelmonis, Iudæi malè circumcisi & summâ nobis amicitia conjuncti.

XII.

PULTRONUS CULTRIFEX,

Ioanni Arnoldino S. P. D.

CARMINIBUS carmina debentur.

Nil intentatum nostri liquere Poeta,

Nec minimum meruere decus, vestigia

Græca

*Ausi deferere & celebrare domestica fa-
cta.*

Qui nos contemnunt, stulti sunt: viri profectò sumus, & omnia sine Theseo, & in vanitate non fictâ operamur. Stentorea clamamus voce, & arrogantiam velut paren-
tem

tem colimus. Si tu vel Theologos vel Ortwinum times, in malam abi crucem, aut te corvi in rotis eviscerent. bestia es, nasturtium ede. Excitare, vigila, animum sume. Noli Epimenidis somnium dormire. Quid desperas? Vitulo primum submerso, puteus clauditur.

Exitus acta probabit.

*Scimus inurbanum lepto seponere dicto,
Legitimumque sonum digitis callemus &
aure.*

Nobis erunt præsidio Iudæi. Lurent violæ. Suam quisque domum tueatur.

Tunc tua res agitur, paries cum proximus ardet.

Tu solus es, nostrum verò multi. Quapropter ut tuæ petitioni satisfaciam, si nobis timor incubuerit gravis, Casprios petemus montes, ubi neque Theologi, neque fidei Catholicæ habitant defensores. Si verò te ipse suspenderis, pœnas nolito extimescere inferorum. Mortales enim sumus, & animam fortasse nobis cum pecudibus communem consecuti. Vale feliciter cum nostro Capnione. Moguntia, ex publicâ coronâ, Obscurorum portu. Anno quo supra.

XIII.

CONRADUS DE ZUICCAVIA,

Doctori Grillo, Obscurosum advo-
cato S. P. D.

OMnia nobis adversa sunt, Doctor egregie, omnia prostrata ac diruta jacent, clamantque in plateis & puelli & edentulæ quædam anus, hisce, proh dolor! verbis nobis illudendo. Os habent, & non videbunt: oculos habent, & non loquentur: aures habent, & non adorabunt: nares habent, & non audient: manus habent, & non ambulabunt: pedes habent, & non palpabunt, non clamabunt in gutture suo. Similes illis fiunt, qui confidunt in eis. His Psalmistæ verbis malè intellectis aliisque id genus convitiis publicè infestamur. Posuisti tenebras Grille, & facta est nox, per quam pertransibunt omnes bestiæ sylvæ. Si bonus vir es, si eruditus, si eloquens, hisce maledictionum vinculis nos quamprimum exsolve. Quod ubi feceris, te Iudæi ut Deum suum colent ac venerabuntur, & aureos in Arabia montes pro tuo salario recipies. Lege Marquardum in Institutis, revolve Ioannem de Garlandiâ in Legibus, Petrum Helix in Decretis. Mammotrectum in Clementinis. Consule etiam ideas Platonis, quæ olim in Phocide pallentes Apollinis begutæ

gutæ fuisse dicuntur. Accede nebulonum latebras & fornices, ut eruditior in rebus nostris, & ad omne malum Theologis inferendum audacior fias. Cæterum mihi quàm primum rescribas velim, quid hæc quinque Arabica verba significant: *Oxus, perdoxus, reveloxus, rammeldspotfus, rammeldiblefen.* & hæc duo Gothica, *Inkus, perquinkus.* De his certè nihil scripsit Vergilius in Bucolicis, nec Marcolphus in suis fabulis. Vale Doctor venerande, & pone ante oculos tuos specillum illud quod in Speculo Oculari Ioannis Reuchlin est depictum, nam per illud instar noctuæ omnia mirabilia mundi videbis. Vale. ex Lyptzig. die sexto ante festum Sanctæ Saturitatis.

XIV.

DOCTOR GRILLUS,

Conrado Zuiggaviensi S. P. D.

Accepi literas tuas nectare mihi atque ambrosiâ suaviores. Perlegi ferè totum Ovidium, & quos mihi legendos decrevisti; sed non invenio, quo modo vel meipsum vel nostros contribules tueri valeam. Peccavimus, iniquè egimus. Non est inter nos qui faciat bonum, non est usque ad unum. Si enim scribendo & offendendo annis multis, jam primi semper fuimus, necesse est ut mo-
destam

deſtam & benemeritam adverſariorum noſtrorum, aut potius in Chriſto amicorum reprehentionem toleremus. Si vigefies, ſi quinquageſies, ſi centies alios indignè læſimus; quare nos ſemel tangi (& id quidem citra offenſionem) non patiemur? *Nequitia eſt quæ ſe non ſinit eſſe ſenem.* Decepti præterea omnes ſumus. Credidimus enim deſenſionem Ioannis Reuchlin veram fuiſſe: at nunc olfacimus (& in libris reverendi Inquiſitoris luce clariùs continetur) eam eſſe falſiſſimam. Folio namque tertio deſenſionis ſuæ, facie primâ, hanc ſibi Capnion à Cæſareâ Majeſtate generalem fuiſſe quæſtionem oblatam ſcribit: Utrum omnes libri Iudæorum perimendi ſint præter biblia. quod quàm ſit falſum in mandatis imperialibus ſæpius impreſſis deprehenditur. Dicit præterea ibidem (in favorem-ne Iudæorum, an minus, ignoro) neminem ex omnibus Romanis Pontificibus fuiſſe, qui Iudaicorum librorum exterminium petiviſſet. Hoc certè argumentum etſi (velut negatum) valeat nihil, à Iureconſultis tamen & Eccleſiæ doctõribus contrarium probatur eſſe verum. Ipſius etiam conſilium à nullo (ut accepi) proditum fuit, ſed per Illuſtriſſimum principem Urielem, Archipræſulem Moguntinum, iudicem ſive commiſſarium à Sereniſſimo noſtro Imperatore conſtitutum, legitimo (id quod facere debuit) ſollicitatori ob-

latum. Nec concors ab aliquo excogitari ratio potest Capnionis minus quàm aliarum universitatum consilia legi à Colonienſibus Doctoribus debuiffe. Falsum est etiam, Manuale Speculum Ioannis Pepercorni, viri (ut audio) satis eruditi à Colonienſibus Theologis fuisse compositum, quum in Alemaniâ illud superiore impressum ediderit. Cætera relinqueamus, quæ si particulatim enarrare voluero, me sit dies defecturus, & non epistolam sed volumen amplissimum scribere cogerer vel invitus. Si itaque falsis persuasionibus decepti, bonos viros indignè læsimus, conceptionem etiam modestam surdâ aurè prætereamus necesse est. Quid autem illa verba significant, *Oxus, perdoxus, reveloxus*, cum cæteris quæ sequuntur, nondum apud Martialem repperi. At Vergilius in xx. libro Æneidos, & Aristoteles in XIII. Physicorum, capitulo nonagesimo nono, circa finem, dicunt proverbium Hectoris fuisse, occultâ cuius virtute multos Græcorum interemit. Quæ scripsimus, in scrinio tui pectoris conserventur. Sigillum autem quod vides, mihi commodato dedit Iacobus Iohel Iudæus quinquies circumcisis, & bonus Reuchlinista. Vale, Ex Tuitio, decimo sexto nonas Apriles.

X V.

IOANNES PELLIFEX,

Secundus in ordine Obscurorum, suo Campnioni Thalmudistæ S.P.D.

Scripsi aliàs, ut nosti, Ortwinò Gratio sacerdoti Theologorum, ridens schema: finxique in secundâ Obscurorum epistolâ me talari veste deceptum, Iudæo Theologiæ Doctoris loco, publicâ in plateâ, maximam habuisse reverentiam, Papalem quoque nonnullis & episcopalem in foro animæ concessam auctoritatem, hæreticorum more detestatus sum. Quod cum uni Prædicatorum nuper confiterer, nihil consolationis accepi, Ille enim difficilis, querulus, anceps & morosus me absolvere recusavit. Attonito autem mihi plurimumque admiranti, ac planè stupido, apertissimè dixit, neque se neque alios sacerdotes (etiâ si summus Pontifex esset) nos gravibus illis peccatis, commissisque sceleribus & publicis criminibus atque blasphemiiis exsolvere posse; nisi publicâ prius revocatione à nobis factâ, publicè susciperemus pœnitentiam. Ecce quanta pro te patimur mi Campnion, quibus exagitamur discriminibus, quos sentimus dolores. Si propheta es, si orator & poëta, si tertius Cato, ac noster tandem patronus, consule obsecro mihi, quid sit oppor-

tunum factu . Salutat te plurimum uxōr Pepericorni, & Laurentius Pepericornus filius Ioannis, doctus adolescens . Qui Coloniæ in Laureto (quod Græci *Daphnōna* vocant) bonis artibus operam impendit , tibi que non parum minatur . Vale . ex Mollem in festo Bacchi.

XVI.

CAPNION PHORCENSIS,

Ioanni Peltzflickerio resipiscentiam.

SI malè scripsisti, malè tibi sacerdotes respondere oportebit. Est enim æquum & salutare. Nihil pro me pateris bestia : nec propheta ego sum, neque Obscurorum patronus : quanquam meæ literæ ante annos aliquot Coloniensibus missæ , idipsum approbare videntur. Dii deæque, inferi quoque & superi vos omnes perdant. Non sum reus ipse illorum criminum originarius . Nauseam habeo super cibo vestro levissimo . Displicent mihi epistolæ vestræ . Neminem ursi neque levavi . Convitiorum ac blasphemiarum conscribendarum munus vobis commisi nunquam. Tacita igitur tibi sudent præcordia culpa. Vos enim obscurissimi nebulones, omniumque histrionum primi , summum mihi Pontificem ac omnes bonos per totum pene terrarum orbem inimicos fecistis . Quapropter suspensos

vos

vos esse vellem in furcam, aut à Cerbero inferorum cane discerptos. Vale infeliciter. Ex Stutgardia in profesto Iovis, veri & immortalis poetantium dei.

XVII.

M. HILDBRANDUS MAMMACEUS,
Doctor in compositis verborum, & plus
si vellet, Conrado Zuiggaviensi
Poëtæ larvato, S. D.

PRoverbium est apud nos mi charissime Conrade, Plus oculos videre quam oculum. Doctor itaque Ioannes Reuchlin est valde subtilis, acer ac vehemens in scriptis suis, nec est aliquis in mundo, qui vel ipsius contumeliis, vel Oculari Speculo respondere possit. Quare igitur Theologi, se tam insigni tamque glorioso homini opponunt? Potius fortasse moreretur, quam convitiis parceret. Vale feliciter. Datum ex Tubingâ.

XVIII.

CONRADUS DE ZWIGGAVIA,
Domino Hiltbrando Mammaceo novarum dictionum fabro S. P. D.

VIDI literas tuas, nec vidi solùm, sed diligenter perlegi. Satis es circumspectus

in rebus tuis, nec est sub orbe lunari homo, qui tua possit mali consulere: felix qui nihil debet. Quæ dubitas ne feceris. Hic enim Corycæus est qui plus æquo ad rem auscultat. Lauda igitur parcè, at parcitùs vitupera. Ego tamen quia sum Pompilii circulo sextus, paucis tibi respondere volui. Vale. Ex Noribergâ, & Cimмериis te semper tenebris involve.

XIX.

GUILHELMUS CAPNIOLAMBIUS,

Matthæo Mellilambio S. P. D.

COmplures mihi retulerunt, Vir humanissime, Ioannem Reuchlin legum Doctorem valde bene & cum maximis honoribus in urbe Romanâ contra Theologos stare. Hoc tamen ego credere nequaquam possum. Nam si Stutgardix apud Suevos feliciter habitat, & ibi in lætitiâ vivit, non potest stare in urbe Romanâ. Quis enim in uno & eodem loco simul & semel esse posset? Nihil affers, filius es terræ, lapidemque mordes, & sapientia inprimis tua vino obumbratur. Vale. Ex Francofordiâ, tutissimo Iudæorum portu.

XX.

MATTHÆUS MELLILAMBIUS,

Guilhelmo Capniolambio S.

NON stat in urbe Romanâ Capnion ipse, sed quiescit ac sedet in Stutgardiâ; illumque iussit Plato sub arbore Porphyrianâ quiescere. Petiit sæpenumero concordiam cum Theologis, non solum Moguntiaë, sed in urbe etiam (ut audio) Romanâ. Ipsi tamen Theologi generosam habere malunt pro Christo litem, quàm iniquam in fide concordiam. Cum autem sedes Apostolica voluerit, Gordii nodum dissolvat, ne tanta posthac in Ecclesiâ Dei scandala invalescant. Vale. Ex Moguntiaâ. xxv. Nonas Martias.

XXI.

P E T R V S N E G E L I N V S,

Stephano Calvastrio S. P. Q.

NVPTIÆ mihi habendæ sunt in Zutphordiâ. Despondi enim sororem meam uni Poëtæ tali quali, de numero Obscurorum Virorum. Quapropter te oro atque obsecro, ut mihi unam tunicam commodato dare velis, illâ enim dominus opus habet. Nam qui malè est calceatus, sordidis pedibus cœnaculum

lum ingrediatur necesse est. Vale feliciter, & agamus omnia pingui Minervâ. Datum in montibus Cisalpinis. Anno quo supra.

XXII.

STEPHANVS CALVASTRIVS

Metrifex Petro Negelino S. D.

TVNICAM quam à me petis habeo nullam. Ego Apostolorum exemplo undantaxat contentus sum, & ambulo per totam cum sacco civitatem. Nisi iudex Apostolicus nuper mihi adjumento fuisset, excommunicationis procul dubio sententiam propter importunitatem creditorum meorum jam diu incurrissem. Non possum igitur tibi commo-
dato dare tunicam meam. Nam teste Alexandro Gallo,

Vnum mutabis donec plurale videbis.

Festum Valentini præterit, æstas appropinquat, flores oriuntur, non est tibi togâ opus. Vale ex Monasterio, pridie Kalendas Ægyptias, & Epimenidis somnium semper dormita.

XXIII.

SCHELMO SCHELMONIS,

Genselino Genseliano, & Marcolphi
ex sorore nepoti S. P. D.

AUdio te in grammaticis disciplinis unum esse omnium eruditissimum: quapropter
te oro.

te oro atque obsecro, ut mihi quamprimum scribas, quot nam sint in Donato aves, quid præterea comedant, quo deinde avolare consueverunt, & quot sunt ibidem metra. Hæc enim si mihi cognita essent, Theologos disputando obumbrarem. Vale, Ex Buckelmundâ, duodecimâ idus Septembres: & cave ne anseres nostri inter olores strepant.

XXIV.

GENSELINUS SCHELMONI SUO

S. P. D.

REctè agis mi charissime Schelmo, tum quòd eruditos consulis, tum quòd tibi ipsi confidere non audes. Nisi Tibullum profiterer & Nasonis amores, tibi certè respondere non possem. Sybillâ tamen hîc non est opus interprete. Tres sunt in Donato aves, passer, aquila, milvus; quæ fructus & species comedentes in antiquam sylvam avolarunt. Ad ultimum verò tria duntaxat comperi in Donato metra. Primum,

*Arma sub adversâ posuit radiantia
quercu.*

Secundum,

*Multa super Priamo rogitans, super He-
ctore multa.*

Tertiam, ut, *docuissimus, docuissetis, docuissent.*

B. S.

Cave

Cave mi charissime Schelmo, ne hæc occulta Minervæ mysteria Theologis manifestes: quum neque in libris Sententiarum, neque in Secundâ Secundæ tam præclara inveniantur. Vale ex Hercyniâ sylvâ, & æfinum imitare, qui magis stramina optat quàm aurum.

XXV.

PULTRONUS SYCOPHANTA,

Murcidæ Lyripipiano S. P. D.

V Ideo equidem nostrum aliquot vehementer suis gaudere convitiis, & epistolarum nostrarum lectione plurimum delectari. Contra autem viri graves (proh pudor! nefas est dicere) faciem suam avertunt, & vix lupanaribus dignas, imò flammis & facibus congruas expressè pronunciant. O inconstantem rerum omnium vicissitudinem. quantum mihi videre videor, extrema gaudii luctus occupabit: nosterque natalis *nigro notandus lapillo*, inter nefastos computabitur. Vale, ex Franconiâ cum tuis contribulibus: & omnes hamadriades ac Oreades meo nomine plurimum salutato.

XXVI.

LYRIPPIANUS PULTRONIO

suo S. P. D.

QUas mihi scripsisti literas, minimè placuerunt. Si summus Pontifex, si magnus ille Erasmus, si viri sapientes & boni denique omnes nostras contemnunt epistolas, illorum etiam contemnamus sententiam necesse est. Experire obsecro, quomodo vestris istis histrionibus ac parasitis nostræ placeant Obscurorum Epistolæ. Docti omnes sumus, neque Scotum timemus neque Plutonium. Experire inquam, quàm sint & meretriculis gratæ. Est enim risus in illis multus, qui & tristem apud Inferos Plutonium, manesque sepultos ad cachinnum excitare queat, mortuosque ad vitam revocare. Sed quid de risu tantum: jocos nostri salebrosos ludosque theatrales suis adjecere epistolis, ut varietas ipsa (quæ teste Politiano lectionum est irritatrix) blandissimum quemque lectorem non possit non delectare. Secuti mehercule sumus patres nostros, qui jocum Deæ Veneris (cujus & nos asseclæ sumus) filium esse voluere. Quid igitur risu blandius, quid joco jucundius, quid Venere suavius, quæ prolem suam non potest non amare. Loquantur Theologi quæ velint, nobis vivendum est more nostro. Vale, ex monte Parnasso. Vale obsecro. Te

enim anxie deperit Calliopæ Musarum omnium Musa. Iterum vale. Tu quid sentis nobis quamprimum rescribe. & esto Epicurus subans.

XXVII.

PETRUS OLFONTIANUS,

Nicolao Haversack S. P. D.

Multi nos contemnunt Nicolae, at nos Thraſonem ſequamur glorioſum, & id genus hominum leve, quod rei ludicræ pallentem impendit operam, eâque graviffimas abigit è mente curas. Salibus fruamur & joco, riſu etiam ſi neceſſe eſt. Convitiis quoque & blaſphemiis noſtrum parcat nemo. Comedamus inſuper & bibamus in charitate non fictâ. Patritos ego imitor mores: bibo, rebiſco, voro, devoro, quod omnes aſſolent cognomines, nati meis majoribus. Plus cæteris ingurgito. Heluor etiam; quare Heluo nomen mihi. Vale feliciter. ex navi ſtultiferâ. ubi tu primum (ſi voles) locum obtinebis.

XXVIII.

NICOLAUS HAVERSACK,

Petro Olfontiano S. D.

Quæ de riſu & joco ſcripſiſti mihi, non diſplicuere. Cave Pythagoram tuo adjungas.

jungas choro, quem Plutarchus scribit, risu, joco, & facetiis abstinuisse. Quare & Theologi fortasse eundem secuti, tristes frequenter nimiumque graves esse conspiciuntur: id quod Vergilium prævidisse crediderim; quum libro sexto, *tristem in vestibulo inferorum cecinit habitare senectutem*. Nonne satius est nos edendo, bibendo, chorisando, dormiendo, vitam nostram produxisse; quàm jejunando, orando, abstinendo, & sacras Theologorum ac Iurisconsultorum libros revolvendo, eam abbreviasse. Vinum neque anseribus crevit neque anatibus, sed hominibus solùm: his præsertim, qui obscuris utiles viris, non minus græcari quàm eo uti norunt. Vale. ex Moguntiâ.

XXIX.

OLFONTIANUS HAVER-
SACKIO S. P. D.

QUæ de Vino scripsisti libenter omnes legimus. Modio enim sumptum (ut Melilambius noster interpretari consuevit) acuit ingenium, debilibus quoque dat gressum, & cæcos illuminare videtur. Nemo nostrum cephalæa: nemo hemicranæa (talibus caput morbis) laborat. Quapropter ne ab instituto nostro & veteri consuetudine recedamus: semper Baccho, semper voluptatibus, semper arrogantiae ac temeritati inhærere debemus, ut
sic

fic tandem furore pleni poëtico, in vectivis convitiis, contumeliis, blasphemis, & hæresibus novis inimicos nostros operosius persequamur. Hoc quoque Lucilii carmen ad mentem tuam suspendito:

Vivite lurchones, comedones vivite ventres,

Vale. ex Francfordiâ.

XXX.

IOANNES CRABACIUS;

Guilhelmo Zwickano S. P. D.

Mitto tibi Dialogum, quem è Græco nuper in Latinum transtulit Petrus Lyripianus, homo acer & strenuus in rebus nostris, quem deinde Nicolaus Musio nobis audientibus hoc modo in Obscurorum confessu, crudeli satis animo memoriter recitavit.

Sequitur Dialogus Mercurii & Ollilambii Obscurorum triumviri, qui in cœlum volens adscendere, cecidit in cloacam Vulcani.

Juppiter (inquit) vocatis nuper omnibus in concilium Diis, virum pro se in cœlis & prudentem & eruditum substitui voluit. Conquestus est enim se nimio contractum sen-

nio,

nio; cursus planetarum totamque cœli machinam diutius regere non posse. Optavit itaque hominem (ut dixi) eruditum ac sapientem, qui rerum esset arcanarum custos, & cœlestis januæ diligentissimus observator. Qui lunam extinctam incenderet, vigilantissimeque provideret, ne Deorum quispiam Iovem cum Iunone sorore suâ dormientem temerarius excitaret. Itemque ne Solis equi aliò deflectentes, oceano submergerentur; aut meridianis perirent ardoribus. Huic enim homini (inquit Iuppiter) curam dabo, ut ex obscuris hominibus cacodæmones faciat, eosque collocet cum creatis simul animabus in comparibus stellis. Curam etiam habebit ne Saturnus planeta cum Virgine signo cœlesti, contendat; multisque aliis præficietur rebus; modò nostrâ maiestate deorumque hospitio non indignus habeatur. Quod Iovis præceptum admirabile satis & nunquam auditum, cum Dii simul omnes simulante annuissent, missus est Mercurius Deorum immortalium nuncius, & eloquentiâ cæteris plurimum antecellens, in hoc humile viventium domicilium, quam terram dicimus. Qui cum orbem usque totum pene perlustrasset, deorum instinctu (qui hominem volebant ad cœleste officium sibi ipsis satis idoneum ordinari) quendam sibi Reuchlinistam ex omni Obscurorum numero delegit, & maximè talem, qui

Theos

Theologos amârat nunquam. Huic enim homini nomen est Ollilambius Philocapnion, cujus pater Marquardus appellatur, & mater ejus Grylla, ad designandum quòd Marquardus Marquardum & Grylla Gryllum procreaverit. Signate quæso, viri clarissimi, hujus rei mysterium. Attendite hujus hominis doctrinam. Quomodo enim cœlestia intelligeret homo iste, qui Universitates dehonestans, in nullâ est literariâ facultate eruditus. Si enim hunc hominem, quem ego intelligo, rectè judicare voluerimus, nec Philosophum, nec Theologum, nec Jurisconsultum, nec Medicum, nec Oratorem unquam reperiemus. Mercurius itaque cujuslibet rei simulator ac dissimulator, & deorum (ut diximus) instinctu perperam missus: cuidam obscuro Reuchlinistæ (cui Ollilambio nomen) mirâ quadam claritate in somnis apparuit. Qui Mercurium rerum omnino cœlestium nescius videns, mirum in modum exhorruit, *Steteruntque coma*. (ut Vergilius ait in tertio) *Et vox faucibus hæsit*. At Mercurius qui ex supernis sedibus dulcia secum liba contulerat, nonaginta illi novem offerens, quæ vulgo vocantur *bäsen-sche kœechen*, Comede, inquit, Ollilambie & grosse, quoniam grandis tibi adhuc restat via. Mox Ollilambius angelum esse credens, & se alterum Eliam, Quorsum ait? In cœlum, respondit Merc. Rectè factum subjunxit.

Olli-

Ollilambius, ut illic impleam mentem, qui hîc repleo ventrem. Iam sentio Iovis benignitatem: ah vix tandem sensû stolidus, bene operatur Deus tuus, meque non immeritò recognoscit amicum suum, & Reuchlinistarum omnium primatem. O factum bene, Iam ego nullam amplius infirmitatem sentio, ita me tuus cœlestis oblectat cibus. Disputare tamen tecum non possum Mercuri, quoniam ita sum exhaustus multis jam pridem & infirmitatibus & miseriis. *M.* Et tu misérias sustinuisti Ollilambie inter ganeones & Sycophantas? *Olli.* Tu à Deo missus, & hæc ignoras? Tu qui præterita non nosti, quid futura prædiceres? Si ego in hunc usque diem diis conversatus fuisset ut tu cæteri que omnes, Deus esse vellem. *M.* Parce quæso verbis. Scriptum est enim. *Ne quid nimis.* Nonne ad lyram Hesiodus cecinit,

*Optimus est homini linguæ thesaurus &
ingens,*

*Gratia quæ parcis mensurat singula ver-
bis.*

Olli. Pulchra illa sunt carmina. *M.* Recte sentis, & hanc ob rem tuam insaniam deponere. Noli unumquemque moribus tuis æstimare. Define morbo illo procacitatis uti. Define alios per impudentiam laceßere; talibus enim verbis tibi in cœlis amicos parare non potes, videris inimicos velle. Cesset al-

tercatio

-ili-

-III-

tercatio inter nos. Quin tu uno verbo dic, unde tibi tam gravem ac planè onerosam infirmitatem conceperis. *Ol* Ex variis & multiplicibus eduliis plus æquo sumptis. *M.* Quem cibum indies comedis? *O.* Pelles anserinas & colla caporum tosta, buculas, juvencos, turtures, perdices, phasianos, coturnices, turdos, ficedulas, & plurimi omnino generis avitia molliterque ac studiosè tosta; hæc stomachum meum nunc non lædunt, qui est sicut tabula rasa, in quâ nihil est depictum, apta tamen nata depingi, semperque illius versiculi sum memor, *Qui bene ingerit, digerit, egerit, est bene sanus.* *M.* Rectè facis. Diutissimè enim apud nos vives, qui sic stomachum observas. *O.* Quàm diu? *M.* In secula seculorum. *Ol.* Ô me felicem, ô me beatum Ollilambium. Quia tamen de epulis locuti sumus, dic, rogo, mihi priusquàm hinc abeam, quæ sint Deorum immortalium esculenta. ego enim sum unus tellerleckerius, hoc est, omnium mensarum assecla, per totam cum sacco civitatem. *M.* Ambrosia, ova sorbilia, ex saccaro pastilli, pingua vaccarum ubera, item placentæ nucleis amygdalis & saccaro conditæ. Datur etiam unicuique nonnunquam porcellus integrè tostus, illumque duntaxat mensam accedere apud nostros admittimus, qui cingulum tempori disligaverit, juxta carmen illud,

*Balthea laxabis, ad mensam quando
meabis.*

Itemque

*Dum plenus est venter, tunc vult dormire
libenter.*

O. Quid audio, sancta Iuno, quid audio?
Transfer me hinc ocius, sancte Mercuri,
transfer me hinc. M. Recedamus hinc, festi-
nato enim opus est. O. Quærantur primum
hydriæ vino plenæ. M. Matura rem. O. I
præ, sequar. Cumque sic abirent, clamârunt
quidam Obscuri: sancte pater memento no-
stri, dum veneris in regnum tuum. O. Bestiæ
estis, solus ego tali sum honore dignus. Quid
multa? Processerunt ambo, cumque ad Par-
nassum montem venissent, nec illinc sese Olli-
lambius in cœlum transferre posset, Ætnam
Parnasso, Olympum Ætnæ, montesque pluri-
mos montibus superimposuere. Quo facto,
Mercurius inquit, ascende montes. O. Trahe
me post te. M. hoc factu difficile. O. Quam-
obrem? M. Nimis es incrassatus, dilatatus &
impinguatus. O. Sine me paululum, ò Mercu-
ri, ventrem purgare, ut eò sim levior. M. Fac
ut libet, sed noli interea temporis plus æquo
morari. Dum igitur in secessu Ollilambius
lateret, Mercurius secum his verbis murmura-
bat; O utinam (inquit) hic asinarius Reuch-
linista tali indignus nomine, pulmonem &
jecur egereret. Foetidus meherculè hircus est,
& olens

& olens capra, bonumque foret Capnioni, si homo iste natus non fuisset. Quo dicto Mercurius clamat, ubi es Ollilambie? *Ol.* In rupe hæreo. *M.* Semper ibi hæreas velim: veni tardipes, huc ades crassa substantia. *O.* En curro velocius, quovis sum cervo fugacior, nec tuâ mihi modò operâ est opus. *M.* Tu videris, ego præcessero. *O.* En cacumen Olympi teneo, tecum sum, in portu navigo, & cœli planetas intueor. *M.* Rectè fecisti. *O.* Iam unico duntaxat saltu in cœlum veniam. *M.* Experiar, at cave ne saltu conturbes Platonis ideas. *O.* Quales sunt illæ bestię? *M.* Quas tu bestias vocas, antiqui olim Apollinis sacerdotes erant, & mulieres quidem edentulæ, quæ dum corporibus exeunt, tanquam rerum imagines inter sidera collocantur. *O.* Papæ, quid ex te audio: legi XXV. libros Ethicorum Aristotelis, ubi de istis ideis deprehendere potui nihil. *M.* Non mirum Ollilambie. Tu certe philosophus non es, sed nudus tantum Grammaticulus. attamen in cœlum si potes quàm primum exsulta. *O.* Me accingam operi: tu nolito me tangere. *M.* non tangam, sed cave deorsum cadas.

Cùmque temerarius iste Ollilambius sese altiùs erigeret, seque inter saltandum insolentiùs extolleret, olympo in ætnam decidit, ac deinde in Vulcani cloacam, qui montem illum priscis temporibus incolere consuevit. Tum Mercurius ridendi intemperans sedulò tamabat:

O Co-

*O Coridon, Coridon quæ te dementia cepit.
Alba ligustra cadunt, vaccinia nigra le-
guntur.*

O. O sancte Mercuri adjuva me: ô Apol-
lo: ô Latona, ô vos Musæ novem juvate
me. His Lamentationibus ille commotus
hunc hominem foetidum, & instar bubonis
cæcutientem, ad novum quendam fontem ca-
ballinum, nuper à Sylvano adinventum, per-
duxit, ubi purgare hominem volens eum suffo-
cavit. In signum cujus adhuc aquæ illorum
fontium ita turbidæ foetoribusque permixtæ
sunt; ut quicumque ex illis indignè biberint,
insani potius sint quàm sapientes.

Hunc cum recitasset Dialogum, hæc con-
tinuò verba subjecit. De poëtis, inquit, ma-
lis & perversis tanquam præclaro nomine in-
dignis solùm loquimur: de honestis & sapien-
tibus mali nihil. Nec aliquem sub cœlo hoc
nostro Dialogo offendi volumus. Nam qui
tandem obscuri sint viri *Grammatici certant,*
Et adhuc sub iudice lis est. Vale. ex Constan-
tinopoli, sexto Idus Mahumeti.

XXXI.

STEPHANUS CALVASTRIUS,

Ioanni Lucibulario S.

Obscurorum indies numerus magis ma-
gisque augetur. Inscripti nudius tertius
tabulæ nostræ poëtas aliquot nobis persimiles,
qui

qui se in vectivis potentissimos esse gloriantur: & hæc eorum sunt nomina, Hirpinus Murcida, Asmodæus Harpalos, Pultronus Lurcho, Bibesius Sycophanta, Ollilambius Nebulo, Philocapnion Iovianus, Ioannes Smoerpot, Hâns Leverworst, Gryllus Reptilis, Henricus Haverfack, Stutsus Murius de cellâ vinariâ, Cornutus Bubularius, Fatuinus Schelmo, Phytton Serpentinus, Georgius Bestia, Petrus Schlabbert, Hermannus Kalff, Ganimedes Iunior, Coridon Sylvanus, Sclanpampius Tellerlecker, Stilpho Gnatonicus, Ioannes Bulkinus, Demodicus Codrianus, Sinon Græcista, Faunus Corniger, & Ovidio teste,

Additur his Nysæus, indetonfusque Thyoneus,

*Et cum Lenæo genialis confitor uva,
Nycteliusque, Eleleusque parens & Iachus & Evan.*

Gnosius Ichneabates, Spartanâ gente Melampus

Pamphagus & Dorceus & Oribasus Arcades omnes,

Nebrophonosque valens & trux cum Lelape Cheron,

*Hileusque ferox nuper percussus ab apro,
Et niveis Leucon, & villis Asbolus atris.*

Omitto reliquos qui spem non habent, & quorum (sicuti stultorum) infinitus est numerus: Hi bellum contra Theologos acturi sunt.

sunt. Nam arrogantia, temeritate, convitiis & blasphemiiis pares sibi nullos habent. Noli igitur plus æquo lamentari, Ego *inter saxum & sacrum sto*, & ex fonte Hypocrineo sum infatuatus. Vale. Ex Libetridum speluncâ Nympharum.

XXXII.

IOANNES LUCIBULARIUS

Stephano Calvastrio S. D.

Miserrimè nobiscum aguntur omnia; multiplicasti gentem, sed non lætitiā: obsunt nobis illi (si ritè rem ipsam pertrectare voluerimus) & prosunt nihil. Non vult habere Capnion impudentes Sycophantas, sui defensores. Quid multa? Ipse receptui canere jam pridem destinavi & meliorem agere virum. Valeant ludiones, lurchones, comedones, ventres, bibesii, cœnipetæ, flagricibæ, prædones, calumniatores, parasiti, gnatones, flagriones, bucedæ, plagipatidæ, furciferi, catilones, & id genus obscurorum omne. Te igitur illi omnes dilanient, strangulent, obstringilent, obliterent, & culter & venenum, & incantatio vitam tuam, quæ est mors, acerbè finiant. Vale cum tuis ut potes. Moguntia, ex domo nostri impressoris, poenas suæ temeritatis procul dubio daturi.

XXXIII.

PULTRONUS MURCIDA;

Titivillo Corniculario S.

NON possum non dolere, non lachry-
mari, non mœstus esse, ita nos excru-
ciant viri boni & sapientes; de illis duntaxat
loquor, qui non sunt de nostro Obscurorum
grege. Et ideo *de grege non ausim quicquam*
deponere tecum. Simplex plebecula, pueri
quoque & mulieres, publico nos odio inse-
quuntur. Clamitant enim in plateis, huc huc
veniunt Obscuri Reuchlinistæ, non minus
Deo quàm hominibus odibiles. Iaciunt dein-
de in nos stercora. Quid multis? Canes no-
bis omnibus ultrô non irritati adlatrant: ni-
gris enim utimur larvis, nec id solum canes
agunt, verùm & viles caligas nostras & detri-
ta vestimenta dilaniant. Vale, ex cellâ vina-
riâ; ubi nobis dantur Deorum responsa, &
poëtarum fabulæ à Baccho exponuntur.

XXXIV.

TITIVILLUS PULTRONO S. P. D.

ANimam ago mi charissime Murcida;
Utinam essem cum Anchisiade in Ely-
siis campis, & hæc tam infelicia non audirem.
Pro Deum atque hominum fidem, quid hoc
est

est si contumelia non est, aut potius Dei plaga. Quæ tu scribis, intolerabilia mihi videntur. Gratias etiam Capnion nobis agit nullas, quin potius Obscuris omnibus maledicit. Alii præterea nos Sycophantas, alii noctis filios, alii nebulones, alii humanas bestias: alii monstrosa mancipia, alii canes rabidos, nonnulli hæreticos, blasphemos & foetidissimam convitiolorum sentinam appellant. Addunt quoque, nos solos obscuros cum Dathan & Abiron meritò à terra absorbendos. Vale, ex Argentina pridie Kalendas Iovis.

XXXV.

GERHARDUS SCHIRRUGLIUS
Ioanni Wickelphio S. P. D.

MALI sunt homines qui dicunt nobis malè. Quamvis enim neque Deum timeamus neque homines, aliosq; indignè læserimus, nihil tamen est, quod contumelias perpetiamur, bellum hoc & lepidum. Verùm hæc aliàs. Grave mihi semper atque anceps dubium fuit, quare Colonienſes Theologi plus cæteris per Alemaniam florentibus, superioristarum (ut sic dicam) errores corrigere nitantur, & in Suevum indignari, hominem nobis summâ conjunctum necessitudine. Vale feliciter, & cras responde. Ex Andernako, inter calices & pocula.

XXXVI.

WICKELPHUS SUO SCHIR-
RUGLIO S. P. D.

Non possum tibi Gordii nodum absque dolore interno & horrifonis ululatibus dissolvere. Nisi Doctor essem in omnibus scientiis mundi; itemque si neque in Bohemia neque in Arragonia fuisseni, ad tam difficilem ac planè tortuosam dubitationem respondere tibi nequaquam possem. Audivi nuper in Ecclesiâ à quodam Theologo, ad populum Dei verbum habente; reverendum Inquisitorem Iacobum Hoochstraten, tres sibi à sede Apostolicâ Archiepiscopatus commissos habere, Colonensem, Moguntinum & Trevirensensem, ut quæ mala ibi compererit, ab Ecclesiâ Dei quàmprimum refellat.

Adjecit quoque Sixtum Papam quartum singulari quadam commissione per totam Alemaniâ hæresium extirpandarum munus Theologis Coloniensibus commisisse. Quod ut luce clarius intueare, brevis illius exemplar tibi per Liripipianum nostrum transmittito, ut immodicè tecum lamenteris. Vale, ex Madepurck, & pœnitentiam age quàm primum potes.

SIXTUS PAPA IV.

Dilectis filiis, Rectori, Decanis ac
Universitati studii Colonienſ.

Dilecti filii, Salutem & Apostolicam benedictionem. Accepimus literas vestras, ex quibus cum iucunditate intelleximus, quo zelo fidei Orthodoxæ, quâque prudentiâ scripta erronea hæresim sapientia, legi, imprimi ac vendi prohibueritis; muliercularumque imperitiam represseritis. qua dum tenentur, interpretantur quod nesciunt, & scripturarum sibi usurpant scientiam, in maximos dilabuntur errores: nec sibi solum, sed aliis quoque animarum præcipitium struunt. Laudamus vos in Domino vehementer: Fecistis ut bonos Catholicos (quales semper fuistis) decet, & quod vos non dubitamus facturos: pro qua re nos & hanc sanctam Apostolicam Sedem, invenietis in omnibus desideriis vestris promptiores atque benigniores. Cæterum ut quod bene cœpistis, facilius possitis perficere, harum serie vobis auctoritate Apostolicâ licentiam & facultatem concedimus coërcendi sub censuris Ecclesiasticis, & aliis opportunis remediis, impressores, emptores, lectores librorum huiusmodi. Et quia fieri posset, ut impressores prædicti metu vestri aliò se conferrent; volumus ut ordinariis & magistrati-

bus locorum in quibus erunt, nostram hanc voluntatem significetis, quam ubique volumus observari. Datum Romæ apud Sanctum Petrum sub annulo Piscatoris, die xviii Martii M. cccc. lxxix. Pontificatus nostri anno octavo. L. Grifus.

XXXVII.

DAUBENGIGELIUS SUO

Simpriano S. P. D.

QUò me vertam præ dolore, mi suavisime Simpriane, quibus querar, quos implorem? Si domi sum, phantasmatibus vexor, & intestina lumbricis corrumpuntur. Si exeo, malè de nobis sentire bonos animadvertimus. O nos miseros & infelices. O funestam diem in quâ nati sumus. O pectora cæca, ô hircosum Obscurorum Reuchlinistarum gregem, æternâ ac plane ineluibili diffamiarum & convitiorum leprâ adustum. Nobis LEO Papa maledixit, libri nostri comburuntur. nec mulierculæ nec pharmacopolæ ex illis cucullos facere audent: ne venenum quod in illis latet, incautos enecet. Erasmus præterea Rotterodamus nos detestatur & odit. Fuimus Troës: Omnia nobis & in cælo & in terris adversa sunt. Scio quid faciam,

*Ultra Sauromatas fugere hinc libet, &
glacialem*

Prorsus

Prorsus Oceanum.

Vale. Datum Augustæ. &c.

XXXVIII.

SIMPRIANVS DAUBEN-
gigelio suo S. D.*NIL conscire sibi, nullâ pallefcere culpâ.*

Meritò nos canes rabidos & blasphemos boni appellant. Nimis enim impudenter non in viros solùm sapientes & bonos, sed in Iesum Christum, in Beatam Virginem, in supernos cœlites, nostris contumeliis ludendo debacchati sumus. Quare nos insensati & degeneres Christicolæ, ea verba, quæ Sacrosancta Mater Ecclesia primiparæ adaptavit Virgini, in nostras diobolares meretriculas & scorta publica nocturnasque pecudes redegimus? Quid Theologos ipsos, validissimos Christianæ fidei defensores, ac Sanctum Petrum cœli Primate, perfidis comparare Iudæis? Quid sacratissimas Apostolicæ Sedis Indulgentias permerdare, quid cum divino Salvatoris nostri corpore joculari, risumque aliis in frontispicio nostrarum epistolarum movere contendimus? O nos miseros homines, & non immeritò à Sede Apostolicâ maledictos. Emendemus vitam nostram in melius, qui scienter deliquimus. Quippe si infames nostræ epistolæ in lucem editæ non fuif-

fuiſſent? itemque ſi neque Georgii Dialogus, neque præfationes duæ, & alia quædam impreſſa forent, diu fortasſe cauſa noſtri Capnionis ultro ac citro cum honore omnium ſopita fuiſſet. Vale. ex rure ſuburbano, & mecum quantocius reſipiſce.

XXXIX.

ANTONIUS RUBENSTADIUS,
Stalberio Horlepompiano S.

NEquaquam ultra Sauromatas nobis au-
fugiendum eſt. Inter os & offam multa
cadunt. Non unius duntaxat hominis conſi-
lium ſequi debemus. Feſtinandum tardè, ne
Senecâ præſago, *Velox conſilium ſequatur
pænitentia*. Aliud nobis ſupereſt fugitiva-
rium. Glaucò etenim duce Circes domum,
haud longè à Cajetâ Campaniæ oppido in-
quiramus, ut ab ea, in cruentiſſimas mutati
beſtias, Theologos quàmprimùm devoremus.
Simile enim priſcis temporibus factum fuiſſe,
tum Homerus ipſe philomites; tum poëtæ
ad unum omnes atteſtantur. Utinam viginti
cubitorum dracones eſſemus, de quibus apud
Plinium legitur; longè profectò melius ſeſe
res noſtræ haberent. Fuge colluſionem Dau-
bengigelii & Simprianì: Soli quo volunt ab-
cant, nec nos amplius conturbent. Mallem
enim

enim decies in furcam suspendi, quàm uni Theologorum esse ludibrio. Vale, Datum Francfordiæ, ex fœtidâ Iudæorum harâ.

XL.

STALBERIUS RUBENSTADIO S.D.

Longè mihi alia mens est, pater honorande. Nemo nostrum quoquam pergat, nemo montes Caspios, nemo Sauromatas, nemo Circes domum petat. Monoculus ego sum & lippus, Oculari tamen Capnionis Speculo ante nasum meum posito, vos multijugis erroribus video implicatos. Legi apud Hesiodum in Theogoniâ, Protheum Oceani & Tethyos filium, in varias sese olim formas transmutasse. Hunc colamus Deum, huic porcos & asinos offeramus; ut delusis Theologorum oculis, bestiarum duntaxat formam habere videamur: ut sub tali velamento nihil, quod adversariis placeat, peragamus. Quo factò *tum varia eludent species atque ora ferarum*, Alius enim subito fiet sus horridus atraque tigris, Squamosusque draco, & fulvâ cervice læna. Vale, Datum Cracoviæ. xxx Idus Septembres.

XLI.

DOCTOR GRILLUS,

Stalberio Rubenstadio ac cæteris amicis,

S. D.

Quid alios imprudentiæ accusas, quum tu sis unus omnium qui vivunt insipientissimus; quanquam tamen in tenebris plus uno videns oculo, quàm reliqui in luce duobus. Bestiæ diu fuistis, & crudelissimis quibusque bestiis longè crudeliores, licet caudas in terram dependentes, licet asininas aures, licet urforum ungulas, aut solidos equorum pedes non habeatis. Alii vestrum dracones sunt, alii verò basilisci: Ita enim & verbis inconcinni, & stylo enormes, & audaciâ ac veneno pestilentes estis. Stultum est igitur optare quod diu estis consecuti. Bubonum, noctuarum, asionum, ulularum, vespertilionum, nyctioracum, strygum lemurumque exemplo nocturnis volate temporibus: ut nocte intempestâ, palpabiles tenebræ vos obumbrent. Valete ut meriti estis. ex Norembergâ.

XLII.

MAMMOTRECTUS BVNTEMANTEL-

LUS, Eyntelrabiano Philopompo Obscurorum legato S. P. D.

Edidit nuper libros duos Reverendus hæreticæ pravitatis Inquisitor, in quibus luce clarius

clarius patet, quàm sanctè & quàm piè Georgius Benignus & Capnion ipse in suo Dialogo locuti sint. Ita enim in illis convincuntur, ut nullo unquam Marte possint exurgere. Non est reverendo Inquisitori machæra hebes neque stylus retonsus. O Philopompe, quis hæc futura credidisset? Nobis Lachrymæ sunt Crocodili; Cumani sumus, homines profectò hebetes atque obtusi. Acta agimus; *anseris nunc* (ut Theologi dicunt) *inter olores strepunt.* Discamus igitur aliis in rebus uti foro, & alienâ frui insaniâ. Nam operam hîc atque oleum perdidimus. Si cras præ summo animi dolore atri Ditis januam introiero, Plutonem rogabo, ut te illuc post tres dies accersitum, veram obscuritatem & tenebras palpabiles jubeat intueri. Vale ut potes, Ex Cracoviâ.

X L I I I.

EYNTEL RABIANUS BUNTE-
mantello S. D.

O Te omnium sub cœlo miserrimum & præ cæteris mortalibus magis importunum. Quid mihi tam tristia nuncias? Quid mea gaudia in luctum convertis? quid me ex alto in desperationis sterquilinum præcipitas? Non tam acerbè mihi rem gestam scripsisses. Me senio confractum nosti, & ex leni

vento huc atque illuc impelli. Ego enim si hoc malo nuncio apoplexiâ tactus fuisset, quis obsecro tres meos obulos & Tibulli ac Propertii libros unâ cum Ovidianis Amoribus consecutus fuisset. Silicernius sum & senex capularis, meque vespiliones ac bustuarij die noctuque insequuntur. Observa me igitur, ut ultimæ voluntatis meæ dignus executor inveniri. Non te moveant Theologorum correptiones. Indocti sunt, & præter Sacras literas sciunt nihil. Poëtas non intelligunt. Quid ergostrarum epistolarum mysteria intelligerent: neque Aristot: in X V. Physicorum; neque Prophyrium in libris de anima: neque Æsopum in Metaphysicis legerunt unquam. Abeant igitur, nosque more nostro vivere ac loqui permittant. Vale.

XLIV.

TRULLUS POMIVENDULUS

Flacco Murilegiano S. D.

AUDIO Iudæos multum lætari de prospero rerum suarum successu. Legunt enim librum quendam Ioannis Reuchlini talem qualem ad mensam discumbentium & in Synagogis suis Diabolicis, ut indies Christianos derideant, & execrabiles suos libros Christo Deo blasphemos injustè tueantur, atque con-
servent.

fervent. Quare si perditissimi crucis Christi hostes, indignè & ex ingenitâ atque inveteratâ malitiâ lætantur, nos perpetuis lamentemur in tenebris (modò salvi esse voluerimus) necesse est. Ex Francfordiâ autem nundinis nunc Aprilibus aliquot tecum Ocularia confer, ut si non mentis, oculorum tamen visum restauremus. Hunc solum habemus honorem, quòd Iudæi in scandalum Ecclesiæ, Obscurorum epistolas in Teutonicum transtulere. Vale ut potes. ex Dulken. Anno M. cccccc. xviii.

Finis Lamentationum veterum, quæ nundinis Aprilibus hoc eodem anno editæ fuerunt: at multis in locis modò, non solum immutatæ, sed plurimum etiam citra cujuscunque indignationem (ut boni omnes consueverunt) adauctæ.

Sequuntur Lamentationes novæ Obscurorum Reuchlinistarum.

I.

SIMON LUTSBUBULARIVS,
Totusque Obscurorum exercitus Gogo
ac Magogo suis Principibus
S. P. D.



Cogitantibus nobis, Principes egregii, quos tandem Patronos rebus nostris summo in periculo constitutis deligeremus, vos potissimum ex omnibus, velut duo clarissima Iudæorum lumina (quorum sub tutela iniquitates nostræ omnes militarent) digni occurristis. Magnum est enim & grave & permolestum atque acerbissimum, quod Capnio-
nis nostri contemplatione nuper omnes vulnus accepimus. Maledixit nobis summus Pontifex & tota Christi illudit Ecclesia. Pauci etiam reperiuntur, qui nos (ut ab aliis accepimus) vivere in terris patiantur. Heu heu igitur nos infelices atque infortunatos, qui ob singularem nostram in bonos omnes audaciam & insignia in Christum facinora, nihil honoris consecuti sumus. O fallaces nequitia-
rum

rum blanditias, quibus allekti per varios agitamur errores. O inanes cogitatus nostros, qui secundis in rebus eò magis nos seducunt, quo certiore spe quadam nobis blandiuntur. Quas, ipse sæpenumero, blasphemias in epistolis nostris conscripsimus, bonis omnibus, & toti (ut audimus) Christianitari plurimum displicuere. Quis igitur nostrum in tantâ rei indignitate, non mœreat, non audaciam deplorat suam, non sese mortifero conficiat dolore? Quid multa? Actum est nobiscum, nisi literis vestris animati fuerimus. Valet ad longos Platonis annos. Moguntiaë, ex Coronâ, tutissimo Obscurorum asylo.

I I.

GOG ET MAGOG OBSCURIS

Reuchlinistis S. P. D.

Quid vos miseri fæminarum more ejulatis? Nunquid *sera vobiscum in fundo est parsimonia*? Ascendit clamor vester in altum, & montes Caspios horrifono fragore percussit. Insolitum deponite timorem. Estote fortes in bello contra virtutem, ne inimici nostri in cunctis plus æquo triumphent. Annunciamus vobis gaudium magnum, quod notum erit omni populo, quia natus est vobis Servator Antichristus in montibus nostris ex eden-

culâ

AWd-

J= =000=

tulâ quadam anu Blasphema nomine. Quæ
 superba nimis, semper in ore habet Vergilia-
 num illud: En ego incedo Regina Iovisque
 & soror & conjunx. Hinc est quòd nostri
 Doctores in fabulis Ethnicorum multum eru-
 diti, eam Iunonem esse contendant. Nec im-
 meritò; Habet enim pedissequas insignes,
 tres inferorum furias, & harpyas quatuor, in-
 ter quas Celeno vobis Obscuris, ac vestro
 tandem Patrono, pessima quæque eventura
 prædicit. Nos enim illius vaticinia contem-
 nimus: quia ut in veteri est proverbio: *Mala
 aves malam præsagiunt auram*. Valete fe-
 liciter cum vestro Capnione. Datum in mon-
 tibus Caspiis, Anno à nativitate Antichristi
 secundo.

III.

DOCTOR GRYZ, OMNESQUE
 Obscuri Reuchlinistæ Gogo & Magogo
 suis Principibus S. P. D.

ACcepimus literas vestras, Principes in-
 victi, nectare nobis atque ambrosiâ sua-
 viores. Quid enim periculosis hisce tempo-
 ribus, pseudo-Christianis auditu jucundius
 evenire potuit, quàm eum esse in terris natum,
 quem omnes blasphemi omnesque calumnia-
 tores & hæresiarchæ summum Deum sunt ha-
 bituri. Adoramus itaque Iovem & Apolli-

nem, Mercurium quoque & Musas novem, ut Antichristo parcant, eumque magicas doceant artes, ne in scholas eo Theologorum adveniente, artium Diabolicarum rudis esse videatur. Nam qui virtute & sapientiâ potest nihil, maleficio contendat necesse est. Valete diu in montibus vestris cum Antichristo nostro, omniumque nebulonum àc Sycophantarum, lemurum etiam & Strygum Patrono. Wormatiæ, ex porcinâ Iudæorum Synagogâ.

IV.

GOG ET MAGOG, DOCTORI
Grytz, omnibusque Obscuris S. P. D.

ANtichristum nostrum aut potius vestrum, expeditum in vario criminum genere adolescentem; nonis nuper Septembribus in jucundissimum Veneris montem, tanquam ad mercaturam omnium nequitiarum cum Asmodæo nostro transmissimus. Non dubium, quin ab omnibus ærumnis atque angustiis vos sit quàm primum liberaturus. Interea temporis neque blasphemiiis parcite, neque imprecationibus. Vult enim sibi Antichristus tales habere apparitores, talesque suo albo milites inscribi. Cæterum ut ad alia progrediamur, Mittite nobis in Proserpinæ bigis aliquot Speculâ Ocularia Ioannis Reuchlin, quæ à multis Universitatibus condemnata accepimus.

cepimus, & Defensiones ejusdem; ut boni etiam viri hîc nonnihil habeant quo se oblectent. Adjiciantur & alia si quæ vobis supersunt ejusdem generis inutilium contentionum fragmenta. Volumus quoque scurriles vestras Epistolas à Sede Apostolicâ jam pridem condemnatas, nobis in quadrigis mitti; ut illis Antichristus noster non illepidè institutus, blasphemis & irrisionibus abundet, omnemque turpitudinis ac maledicentiæ artem (multum est enim à teneris consuescere.) puer non ignoret. Postremò dum steteritis ante Reges & Præsides, nolite cogitare qualiter aut quomodo libri omnes vestri sint ultra Caspios montes transferendi. Præsto vobis erunt Cacodæmones ipsi, in montium nostrorum radice, qui hanc librorum sarcinam, dicto citius nobis præsentabunt, quum æquè ac nos istiusmodi lenociniis delectentur. Salutant vos sorores Antichristi, vestræ Consobrinæ; Temeritas, Arrogantia, Impudentia, Cæcitas, Obstinatio, Desperatio, Hæresis & Blasphemia; quas si ritè honoraveritis, ita etiam, ut in omnibus vos nequitiis & sceleribus expeditos habeamus, magna procul dubio ab Antichristo (cujus & vos præcursores estis) donaria recipietis. Valete diu & pergite, ne Sacrosancta Sedes Apostolica falsum dixisse videatur, ubi vos filios iniquitatis esse decrevit. Ex Caspiis montibus, Anno tertio.

V.

NICOLAUS LORIPES, CORIDONIS Lusco S. P. D.

*O Coridon, Coridon, quæ te dementia cepit,
Alba ligustæ cadunt, vaccinia nigra leguntur.*

HÆc sunt verba Divi Vergilij, patris nostri & poetarum omnium parentis, quem tu minimè intelligis. Hunc enim locum noster exponens Ollilambius divino præditus ingenio, libro xxv. de naturâ rusticorum, & nebulonum ac pseudo-Christianorum vaftriciis: vult per Coridonem (id quod Commentatores in hunc usque diem ignorarunt) umbrosam Dianæ intelligi venatorem, qui in Cyntho & Helicone, sacris Musarum montibus, albos volens cuniculos capere, corvos ac nycticoraces cepit. Quæ res quàm sit jucunda auditu, nemo prorsus ignorabit. Quapropter te oro atque obsecro, ut ære etiam chalcotypo imprimi actutum facias, ne tam necessaria cognitu cæteros nostræ sortis homines prætereant. Nam argutuli quidam novarum rerum (quæ nusquam sunt) indagatores, dum nova cudere posteritati satagunt, in aliena nimis & futilia dilabuntur. Vale Delphis, ex phœbadum speluncâ sacerdotum. Te plurimum salutat nostra Calliopæa. Iterum vale.

VI.

CORIDON LUSCUS, NICOLAO

Loripedi S. P. D.

Sunt complura in nostrum Maronem commentaria, sunt infiniti per totum penè terrarum orbem interpretes: at nemo illum plenè intelliget; nisi & nova Obscurorum Reuchlinistarum, doctissimorum quidem in fabulis virorum, glossmata perlustraverit. At mihi nuper tuâ multum expositione jactabundo, ac planè importuno Theologus quidam & eruditus & vehemens, sese in Sibyllinis foliis, aliam deprehendisse respondit. Carmen (inquit) illud Vergilianum: *Alba lignstra cadunt*, & alia quæ sequuntur, vulgares poëtæ non intelligunt. Divinus enim ille Vergilius (ut non remulco sed plena utar velificatione) infelicissimos nostrorum temporum dies, ex singulari quadam nativæ virtutis industriâ luce clarius prævidit, quibus vel Paulo teste, Obscuri ac degeneres quidam poëtæ, sanam doctrinam non sustinebunt, sed ad sua desideria coacervabunt sibi magistros prurientes auribus. Auditum etiam suum à veritate avertent, & ad fabulas convertentur. Postremò subjunxit idem ille Theologus, *Alba lignstra*, hoc est, omnium penè Sanctorum scripta Doctorum, unâ cum Evangeliiis Christi & A-

& Apostolorum Canonibus; *cadunt*, id est, parvi ab Obscuris æstimantur, & ob styli atque orationis humilitatem non habentur in pretio. *Nigra* verò *Vaccinia*, hoc est, fabulæ, convitia, infamationes, mendacia, blasphemix, hæreses, & id genus aliæ vitiorum pestes, festivè saltem & eleganter compositæ; *leguntur*, id est, ab omnibus ferè colliguntur, desiderantur, & in pretio habentur; ac præclarissimum Theologorum tum Iureconsultorum scriptis, à levibus quibusdam ac perversæ mentis hominibus anteponuntur. Quibus auditis, ego totus *obstupui*, *steteruntque comæ*, *Et vox faucibus hæsit*. Vale, mi Loripes, & Theologos semper fuge. ne cæci visum recipiamus. Moguntix, ex domo quadam insigni cui Coronæ nomen.

VII.

NICOLAUS CALUMNIATOR

Lucio Catilinæ Iuniori S. P. D.

*Hei mihi nunc fugiunt vires Et corporis usus,
Mens mea non servit nec mea lingua mihi.
Heu miser in nostris est nulla potentia mem-
bris,*

*Horum quodque suum denegat officium.
Nullâ parte suos cernunt mea carbasæ por-
tus,*

Nec sentire potest anchora nostra solum.
Nescit

*Nescit nostra suam quo quarat plaga salu-
tem,*

Sape precor mortem, mors tamen ipsa fugit.

NON abs re conqueror, mi suavissime Catilina. Nam hoc solum ex omnibus nostris iniquitatibus, blasphemiis & hæresibus (ut verum tibi fatear) consecuti sumus, ut nos æquè boni omnes ac publicos hostes & Ecclesiæ inimicos insequantur. Quin etiam se muniant signo sanctæ Crucis, quoties Obscuro-
rum nomen ante prospectum audierint, nos-
que Diabolos esse arbitrantur. Proh Iuppi-
ter, proh Dii immortales, quid hoc est, si in-
juria non est? Consolare me obsecro primo
si potes die. Nam Obscurus ille Charon sca-
phâ suâ ferrugineâ, nostrum aliquot intra dies
octo ad obscuras inferorum latebras per A-
cherontem ac Stygem cæterasque paludes est
delaturus. Vale. ex Hagenau. Nonis nuper
Septembribus.

VIII.

LUCIUS CATILINA IUNIOR

Nicolao Calumniatori Reuchlinistæ &
Talmudphilo. S. P. D.

Stulte quid insanis, cur te dolor urget inanis?

Te sperare jubet Calliopa suum.

*Temperet ergo tuos modus Et prudentia que-
stus,*

Terge,

Terge tuas lachrymas, discere tenere modum.

TOta via totoque cœlo aberras, mi Nicolae, si arbitraris nos in sacco venditare. Non sunt nobis oculi lolio vitati, quin & serpente & aquilâ acutiùs intueamur. Quamvis Theologi nos odio persequantur, Strabonis tamen instar (ut est apud Solinum) triginta quinque millia passuum prospicere valeamus. Tibi persuadeas velim bifrontes nos esse Ianos, quibus Mydæ aures affigi non possint. Nonne pilosi omnes sumus? quos natura (quæ occultè operatur) cæteris mortalibus astutiores esse decrevit. Pilosum inquam cor, cum Messenio Aristomene à Lacedæmonibus interfecto habemus. Astutia igitur nostra vincet studia illorum. Prius testudo cursu leporem vincet, currusque bovem trahet, quàm ingenitam nobis malitiam deferere possimus. Nec mirum. Veterem enim pelliculam difficulter exuit, qui jam diu fraudibus ac malitiâ occalluit. Vale. ex Dullendorp, & cùm ad Elysios campos descenderis, Plutoni inferorum principi, me iterum atque iterum commenda.

IX.

PLUTO PHLEGETONTEUS,
Sinoni Ululario S. P. D.

ODii Deorum quorum opifex paterque ego sum, quàm graves mihi nuper Obscuro-

scurorum Lamentationes oblatae apud Inferos fuerunt. Nemo prorsus Cacodæmonum est, mi Sinon, qui non luctu ac mærore contabescat, ac carnem devoret suam. Omnes enim boni (ut audio) ac sapientes Obscurum Reuchlinistarum genus, velut pestem quandam præsensque venenum fugit. Auctores sunt Theologi, qui pro Ecclesiâ Christi ad sanguinem usque (si ritè accepta recordor) legitimè decertantes, pessima quæque (nobis etiam invitis) eradicare nituntur. Hem me miserum, vix sum compos animi, ita ardeo iracundiâ. Nihil est quod malim, quàm illam totam Theologorum familiam mihi dari obviam, ut mihi iram hanc in omnes eos evomam omnem, dum ægritudo hæc est recens. Satis id tandem supplicii sum habiturus, dum illos ulciscar modò. Vale, ex Tenaro Laconiæ promontorio, ubi ad inferos descendenti-
bus facilis patet via.

X.

SINON ULULARIUS, PLU-
toni Stygio S. P. D.

*Occurrunt animo pereundi mille figura,
Spes bona sollicito victa timore cadit.*

O Cæca nocentum consilia! ò semper
timidum scelus! Nullum (ut sentio) si-
ne

ne magno auctoramento est malum. O fortuna ! ô fors fortuna ! quantis incommoditatibus & quibus scandalis implicati omnes sumus. Qui tibi servit, nulli fortasse servit, sed æternæ (ni fallar) sibi maledictionis præcipitium struit. Nemo nos nostro exonerat metu, nec tu id quidem (qui princeps es tenebrarum & Obscurorum omnium patronus) facere ullo modo potes. Si tibi machæra est, nos quàmprimum tuere, teque in angelum lucis, (id quod te Paulus ad Corinthios facere solitum testatur) quantocius transfigura. Quod ubi feceris, tecum ad inferos descendemus. Vale ut potes, & lætare cum Proserpinâ uxore tuâ & Glaucâ matre. Ex NoreMBERGâ, Nonis nuper Septembribus.

XI.

HENRICUS HAVERSACK

Nequitiarum Licentiatus, Ioanni Smoerpot præceptori suo S. P. D.

FUi nuper Moguntiaë in confessu Obscurorum Virorum, petens ab eis, ut suo me albo inscriberent. Quibus confestim annuentibus (pares enim cum paribus facillimè congregantur) artem me prius histrionicam exercere volebant. Vino itaque naturam non parùm adjuvante, tantum cæteris Obscuris in hac arte præstiti,

præstiti, quantum asino porcus ad edendum antecellit. Quapropter non possum Liberum patrem (quem Bacchum alii appellant) non laudare, & in cœlum usque extollere; qui me infinitis exsolutum curis, semper lætum esse vult & ventre distentum. Ubi enim quid est vini, haud cesso, quo usque totus est gurgulio prægnans ab imo & trans gulam. Sin paucitas, vel lambo vel lingo, dum odor sagax olet. At non (ut est plerisque mos) in abditis & solitariis locis aut specubus, sed cum bonis natibus ac sodalibus & similibus mei. Hoc tamen unum me plurimum excruciat & animo tranquillo esse non finit, quòd nisi artem etiam blasphemandi didicero, nunquam sim in Doctorem nequitiarum una cum cæteris promovendus. Quod ne fiat, tui erit officii providere. Vale, ad longos Nestoris annos, & Æsopi patinas nobis ad cœnam para, ut Baccho ac Cerere suffarcinati, ad omne malum promptiores esse possimus.

XII.

IOANNES SMOERPOT, DAVENTRIENSIS, Henrico Haversack, suo discipulo S. P. D.

DOleo in immensum, & supra quàm cuiquam credibile est, interno excrucior dolore, eò quòd hæctenus ad saxum verba fecerim,

rim, operamque perdiderim & oleum : Infœcundi quippe ingenij est (Faustus inquit) præmonstrantem (quanquam illi debeatur plurimum) non excedere. Quapropter tibi gratias ago nullas, quòd ultra ipsam in conviviiis gesticulationem, nullam blasphemandi didiceris artem. Lege, relege, perlege Apostaticas, ac planè execrabiles Obscurorum epistolas ; & te in nequissimum omnium nequitiarum Doctorem, histriones ipsi, dicto citius promovebunt. Sequere etiam impudentiam præceptoris tui ; teque ad pestiferos illius mores (necesse est enim ut de me ipso in tertiâ loquar personâ) totum effinge. Quod si feceris, vivum eris Sycophantarum idolum, omniumque vitiorum exemplar. Vale diu, Wormatiæ ex fœtidâ Iudæorum harâ, ubi me culices & pulices, cute integrâ esse nunquam sinunt.

XIII.

SIMON DRULLENSIS,

Matthiæ Rupho S. P. D.

Miror equidem, quam potissimum ob causam viri boni nos Obscuros Reuchlinistas cum Dathan & Abiron à terrâ velint absorbendos esse ; quâ item moti insaniâ, nos histriones & Sycophantas, ac nequissimum planè genus hominum appellare non

D

ver-

vereantur. Hunc mihi si dissolveris nodum, alterum te esse Apollinem prædicabo. Vale, ex Basileâ.

XIV.

MATTHIAS RUPHUS,

Simoni Drullenfi S. P. D.

EXplicare non possum literis Simon, quantum mihi tristitiam nuper in Iudæorum Synagoga deambulanti multorum epistolæ attulerunt. Scribunt enim non Theologos modò, verùm & optimos quosque dicere solitos, nullum esse sub cœlo tam impudentem tamque inverecondam meretricem: nullum item latronem tam inhumanum, nullumque tam discinctum Sycphantam, qui nostras, hoc est, Obscurorum epistolas lectu dignas velint. Nec mirum. Sæpe enim Stateram transilivimus. Ansam quoque largiti sumus ut malè nos tractare & boni & mali omnes possint. Capra gladium quo mactetur adinvenit. Faber quas fecit compedes, ipse gestat; suoque perit indicio forex; & in exspuentem cadit quod in cœlum exspuit. Nolim igitur mireris Simon, nos ab optimis iniquissimos, & à gravissimis quibusque levissimos appellari. Cave hæc Theologi resciscant Colonienses, ne laqueum nobis mandent, aut medium ostendant unguem. Vale ut potes,

& di-

& digito compesce labellum. Ex Franco-
diâ .

XV.

CASTRIMANNUS ECHTNOBIENSIS,

Doctori Grytz Obscurorum præce-
ptori S. P. D.

Quanquam omnia nobis adversa sint, Do-
ctor egregie, & Isthmon perfodere non
possimus, nihil tamen est, quod vel Theolo-
gos ipsos in aliquo timeamus. Dies enim
nobis adimit dolorem. Verum enimvero
quia Cumani omnes sumus, homines profe-
ctò & obtusi & hebetes, præcepta nobis ali-
quot salubria abs te dari postulamus: ut
quemadmodum vulpes pilos non mutat suos,
ita etiam & mores nostros nunquam immu-
temus; ne ex his esse videamur, de quibus Ho-
rati cecinit,

*Dum vitant stulti studia in contraria
currunt.*

Extra tándam ergo & fumum, elegantibus tuis
documentis, longè compelle carinam. Vale,
ex Hoppenem, & quæ nos vel facere vel do-
cere volueris quàmprimum rescribe.

XVI.

DOCTOR GRYZ, CASTRI-
manno Echnobiensi S. P. D.

Quemadmodum non ægrè patior, Castri-
manne, ab omnibus ferè Theologis &
sacrarum literarum cultoribus contineri; ita
plurimum lætor à vobis omnibus, hoc est, ab
Obscuris Reuchlinistis, nunquam satis in um-
brofa Iudæorum Synagoga laudatis, com-
mendari. Excudi moralia quædam præcepta,
quæ cum legeris dicto citius obstupesces, ad-
miraberisque, quòd talia à nobis edita atque
adinventa, apud te potissimum, ad Obscuro-
rum omnium institutionem studiosè obser-
ventur. Illis ergo diligenter à te perlectis di-
vinitatem quandam in me esse intelliges, ut
verè animus meus sit de cælo sumptus ignis.
Hæc ergo quæ sequuntur tibi ac tuis præscri-
pta esse volumus.

*Canones Sacros & Ecclesiæ statuta nun-
quam observanto.*

Obscurorum patronis semper obediunto.

*Theologis, Religiosis, & poetica ignaris,
reverentiam nunquam exhibento.*

*Cum Musarum inimicis inhumanè sem-
per versantor.*

*Adulterinum in digito annulum & tor-
quem in collo fucatum gestanto.*

Omni-

Omnibus bonis calumniam inferunt.

Baccho ac Venere nunquam abstinendo.

Obscurorum epistolas & oculare speculum

Ioannis Reuchlin diligenter legunt.

Die noctuque per vicos divagantur.

Ineptiis, blasphemis & haesibus raro aut
nunquam parcunt.

Omniem malitiam libenter docent.

Arrogantiam & temeritatem pro virili
colunt.

Aleâ & ebrietate cuncta dissipant.

Raso capite, prolixâ barbâ, laceratis cali-
gis, & veste detritâ frequenter ince-
dunt.

Domus Prælatorum tempore prandii im-
portunè visitant.

Fatuorum & histrionum mores semper hæ-
bent.

Convivio magis quàm consilio se aptum
preparant.

Dominicis feriatisque diebus, rem divi-
nam sacramque concionem aspernantur.

Sapientum bonorumque virorum admoni-
tiones contemnunt.

Histrionum ac Sycophantarum scholas in-
dies frequentant.

Christi Evangelia & sacras literas in ma-
lam sæpe partem interpretantur.

Simplices & columbinos decipiunt.

Cum Iudæis & hominibus nequam quoti-
dianam

dianam consuetudinem habento.

*Cum sacco per civitatem epigrammata
cantanto.*

Gladium & sicam truculenter ferunto.

Nemini gratitudinem exhibento.

Creditoribus fidem nunquam servanto.

*Blasphemare & in bonos invehi assues-
cunto.*

Apparere magis quàm esse decertanto.

*Domum indies vinariam, ganeasque in-
grediuntor.*

*Morituri nihil unquam executoribus re-
linquunt, sed solis duntaxat homini-
bus multum debento, animamque tan-
dem apud inferos sepeliunt.*

Ad hæc cum quotidianâ exercitatione me-
lius sit nihil, & rectissimè à Cæsare dictum sit
omnium rerum magister usus, atque altera
ab Aristotele natura: hunc ab Obscuris mo-
rem servari volumus, ut singuli suum sibi
habeant sive Kalendarium, sive Diarium, seu
malis ephemerida cum Græcis dicere. Quo
in libello quotidie, pro suo quisque in studiis
& profectu & ordine, quædam id genus do-
cumenta vigilanter adnotent, quamvis sæpe-
numero exigua, ubi tamen in summam coa-
luerint (facilius enim tritico lolium crescit)
non parum profutura, Quid multis? Recep-
tui nunc canendum est. Nam teste Hora-
tio:

Quic-

Quicquid precipies, esto brevis: ut citò dicta

Percipiant animi dociles, teneantque fideles.

Hoc solum adjiciam quod Iuvenalis nobis scriptum reliquit.

Aude aliquid brevibus gyaris & carcere dignum,

Si vis esse aliquid.

Vale, ex bicipiti Parnasso, & dii nos quàm diutissimè conservent.

XVII.

IOANNES GRAP POETA NOVELIUS

Arnulpho Codriano Philosophorum

omnium Philosopho S. P. D.

LEgi nuper apud Aristotelem primo Physicorum, tria esse (prò pudor turpe est dicere) rerum prima principia, materiam, privationem, & formam. Alio item in loco, Solem & hominem generare hominem. Quæ si vera sunt, ridicula mihi prorsus esse videntur, quum neque in Epigrammatibus Martialis, neque in Satyris Horatii, aut id genus aliis poetarum libris hæc ita esse legantur. Tenes sententiam meam. Quapropter si tu quid nostri rectius illis, candidus imperti: si non, his utere mecum. Vale, ex rure suburbano, ubi

me culices & pulices animo tranquillo esse non fiunt.

XVIII.

CODRIANUS PHILOSOPHORUM

Philosophus, Ioanni Grap Apollinis
& Musarum alumno S. P. D.

*O curas hominum, ô quantum in rebus
inane est.*

Quid obsecro tanti facis Philosophi in
physicis ænigmata, quæ Oedipodes ipse
non solveret. Fumosum profectò rancidum-
que lardum sapit, qui veterum magis Phi-
losophorum quàm Poëtarum sententiis de-
lectatur. Martialis scommatâ & Ovidianis
Amores unâ cum Propertio atque Tibullo,
tantum cæteris Philosophiæ documentis præ-
stare videntur, quantum mulus asino ante-
cellit. De his ego Philosophis loquor, quos
S. Theologiæ Doctores & alii Liberalium
disciplinarum Magistri plus æquo venerantur.
Ne tamen ad parietem seu potius ad mortuum
verba fecisse videaris, aut serdo fabulam in-
tuis ad me literis recitasse: Errat vehemen-
ter Aristoteles, materiam, privationem &
formam tria ponendo rerum principia.
Ego potius aërem, terram & mare colloca-
vero. Ex aëre enim pluvia in terram cadit,
quæ

quæ jam iterum atque iterum inebriata ,
 leones , apros , oves & boves ; omniaque no-
 bis , cæterisque mutis animantibus necessaria
 producit. Mare verò pisces largitur , ne qua-
 dragesimalibus diebus in via deficiamus. So-
 lem autem & hominem generare hominem ,
 impossibile est ; sed rectius virum & mulie-
 rem in geniali lecto id facere solitos credi-
 derim. Hæc enim facilia intellectu sunt , quæ
 Scotus ipse , quem alii Subtilem appellant ,
 & Albertus Magnus nunquam intellexere.
 Vale, ex montibus Riphæis, octogesimo nono
 Idus Septembres.

XIX.

ADRIANVS SINKENSIS SIMEONI

Lulliano Poëtæ decies laureato Salu-
 tem nullam dicit.

*Non mihi si centum lingua sint , oraquæ
 centum,*

*Ferrea vox , omnes scelerum comprehen-
 dere formas*

*Omnia pœnarum percurrere nomina pos-
 sem.*

Quis unquam credidisset , mi charissime
 Simeon, Poëtam poëtæ , aut Oratorem
 oratori vel fuisse vel esse contrarium ? Quid
 turpius, quid infelicius, quid abjectum magis,

quàm proprio perstringi gladio & à suis insperato confundi? O nos miseros atque infelices Reuchlinistas, qui sedentes in tenebris & in umbra mortis, multa nobis ac nostræ tandem professione adversa experimur. Campanus enim (hei mihi vereor scribere) in suâ ad Cardinalem epistolâ, nos fortasse Obscuros in spiritu redarguens; Quid enim dolus (inquit) nisi Poëtarum mendacia absurda & venefica; quibus mulcentur aures, animi decipiuntur. An possit quisquam non falli si poëtas sectetur? qui non investigatores, sed & confectores atque inventores fuerunt mendaciorum. An esse non lascivus, si inter illorum fabulas cantilenasque versetur, refertas pruritu & titillatione voluptatum, libidinum, flagitiorum? Nam quod tu flagitii genus in poëtis non invenies extolli & prædicari? Digni illi quidem qui & vates & divini dicerentur ministri eorum Deorum quos habebant profugatissima & perditissima quæque postulantes: si modò erant hi Dii, & non stultitia potius eorum, qui hæc confinxissent, referentes omnia ad appetitum quisque suum insanum & amentem. O Lulliane, ô Simeon Lulliane, quàm nos hæc verba perstringunt, & indelebile nobis scandalum mortemque sempiternam minantur! Sed quæ sequuntur? Finxerunt sibi sermones nequam poëtæ. Locutum est mendacium os illorum & secuti sunt vani-

est

tatem.

tatem. Ad increpandum verba concinnant, & sermonem protulerunt inventum, & tamen nescio quam sibi persuadent gloriam nominis, quæ nihil est profutura si comparetur. Poëtarum igitur insignem stultitiam persanctè carpens Hieremias: *Ecce (inquit) vos confiditis in sermonibus mendacii, qui non proderunt vobis, & secuti Deos alienos in Balam, hoc est in voraginem & precipitium deducatis.* Ad unguem Hieremiæ sermo poëtas irridet, quorum totidem Dii sunt quot nugæ. Ita perniciosi sibi Poëtæ, perniciosi & cæteris si lætitentur. Tam potest quisquam inter illorum scripta non enervari, quàm in igne non uri, in aqua non profundi, infici non sordidari. Etenim qui tangit picem, inquinabitur ab ea; & perdifficile est inter impudica verba fieri non impudicum. Extollunt omnes una voce poëtæ voluptatem, illâ se illaqueari cupiunt, eam auro & regno potiozem arbitrantur, hanc prædicant, hanc complectuntur; quorum unus ex præcipuis, dum huic vacat, Regum, inquit, magnæ despiciuntur opes. Alter magister ille, quem dixi, in mediâ Venere extingui se, ait, cupere, ut ritè meis consonet, ut qui vixit perditè, moriatur perditissimè, *ut quisque tali veniens in funere dicat, Conveniens vita mors fuit ista sua.* Vergilius non modo legendus pueris, sed imbibendus figendusque memoriæ; sed censetur duntaxat pueris, qui

ornatum possint capere & elegantiam, lascivix ne quicquam sentiant, aut si sentiant non corrumpantur. Sit igitur lumen verum, idem Campanus ait, quod afferimus, dirigat non præcipitet, ne qui ad lucem positi sumus aliorum, ipsi obtenebremur. **D E U S** qui dixit de tenebris lumen splendescere, ipse illuxit in cordibus nostris ad illuminationem scientiæ claritatis **DEI**, non poëtarum, non nugarum, non mendaciorum. Eramus tenebræ qui in his fabulis versabamur, facti sumus lux, qui è tenebris ad cœlestia, ex mundo ad Christum commigramus. Senecam quoque audiamus libro de beneficiis; Ineptiæ, inquit, Poëtis relinquuntur, quibus aures oblectare propositum est, & dulcem fabulam nectere. Sed qui ingenia sanare, & fidem in rebus humanis retinere, ac memoriam officiorum animis ingerere volunt, seriò loquantur, & magnis viribus agant. Adest Cicero, qui libro I I. de Divinatione, nihil vult esse in Philosophia commentitiis fabellis loci. Et commentator super I I. Metaphysicæ: consuetudinem audiendi apologos & maximè fabulas impedimentum esse vult in cognitione veritatis. Postremò Hieronymus noster in epist. de duobus filiis, Dæmonum (inquit) cibus, est carmina Poëtarum, secularis scientia, Rhetoricorum pompa verborum. Nulla ibi saturitas veritatis, nulla justitiæ refectio reperitur. Studiosi earum.

rum in fame veri & virtutum penuriâ perse-
verant. Hæc itaque & id genus alia multa,
quæ brevi huic epistolio commendanda non
sunt, in nos Obscuros homines & degeneres
(sic enim me loqui vult conscientia) Reuch-
linistas, non obscurè dicta videmus. O tre-
mendum ergo apud Inferos Plutonium. O fu-
nestam Cacodæmonum turbam, quorum
(proh dolor!) instinctu maligno, tam obscena
in nostris epistolis, non in viros modò præ-
stantissimos & optimos, verùm in Salvato-
rem nostrum ac sanctos ejus; turpissima quæ-
que, pice etiam ac sulphure tetriora hæretico-
rum more simul effudimus. Nullus enim lo-
cus (ut audio) intra Oceanum est, tibi nostræ
non sint visæ epistolæ; ubi inquam nostra in
Ecclesiam DEI scommata, & pestilentes
quædam in Christum ejusque Matrem blasphem-
iæ; ac mille tandem contra omnes bonos
mendacia non habeantur in pretio: apud eos
maximè, qui poëticis figmentis obbrutuerunt,
nobisque sunt quàm similimi. Transcende-
runt enim Alpes execrabiles illæ nostræ Epi-
stolæ, montesque Armenios, Caspios etiam
& Riphæos, ac totum penè terrarum orbem,
cæca omnium nequitiarum nube ac tartaræo
impudentiæ fumo, longè latèque obumbra-
runt. Quapropter Sanctissimus in Christo
Pater ac Dominus noster Leo Papa Decimus,
non immeritò nobis Obscuris Reuchlinistis.
male.

maledixit, nec nobis solùm, verùm etiam cunctis nostrarum invektivarum impressoribus, venditoribus, conservatoribus, illasque triduum intra post Apostolici Decreti notitiam comburere differentibus. Video igitur nos & miseros esse & infelices, omniumque criminum genere delibutos, ac planè suffarcinatos, brevique (ni Gog & Magog unà cum Antichristo suo vel potius nostro nobis præsidio sint) ad inferos catervatim descensuros. Vale ut potes, & suavissimis tuis literis me quàm primum consolare. Quod si non feceris, Delphos petam, nostro Apollini, Musisque novem cuncta relaturus. Ex Cremona Nonis nuper Septembribus.

XX.

SIMEON LULLIANUS, ADRIANO Sinkensi S. P. D.

Quid tibi vis? calido sub pectore mascula bilis

Intumuit, quam non extinxerit urna cicuta.

Accepi literas tuas, charissime frater, Nonis ad me nuper datas Septembribus, quas profectò (sic me Dii conservent) vel Nescio per te sanguine, vel Hydrino ab aliis tinctas crediderim; sic mortiferis quibusdam

N.N.

N.N.

N.N.

N.N.

N.N.

N.N.

busdam in nos aculeis, atque amarulentâ prorsus in Obscuros reprehensione & vivunt & spirant. Tibi igitur Atticè ad me literas danti, Laconicè tandem respondebo. Antonium ego Campanum, (virum alioqui & eruditum & excellentem, clarissimum quoque tum oratorem tum Poëtam) à Theologis fortasse aliquot senio contractis & Christianæ fidei cultoribus facilè seductum crediderim. Ad Hieronymi præterea atque Senecæ parcemi-
am, nihil est quòd hoc tempore respondeamus. Ego enim qui novies à Musis, & semel ab Apolline, in Cytho monte quidem & sublimi & aspero laureâ coronatus sum, salu-
tiferam (quam ajunt) Theologorum redargutionem pati non possum. Singula enim regio suos habet cantus, & quisque suo vivit. more. Ad inferos autem cum descenderis, primum mihi in Elysiis Campis, illuc tandem venturo, locum obtinebis. Valeamus itaque ut possumus, quando ut volumus non licet. Ex Helicone, Musis novem unâ cum Apolline chorisantibus.

XXI.

PIGMALION INSANUS,

Henrico Juniori S. P. D.

Moriturum credo risu fuisse Democritum, si nostras olim Epistolas quas Obscurorum.

scurorum inscripsimus, & alia id genus nostrorum contribulium deliramenta lectitasset. Sed hoc me plurimum conturbat, quòd viri boni & verbosos nos esse dicunt & nugaces, omnigenisq; tormentorū generibus interimendos. Quid multis? Quantum mihi videre videor, si Troës unquam fuimus, hoc est, vel fortes vel strenui; Mysorum certè nunc ultimi sumus, quos despicabiles inprimis & ludibrio quondam habitos non ignoramus. Vale cum tuis, & cras responde ne in mediis sitibundus undis cum Tantalo exarescam. Ex urbe Trebericâ, pridie Idus Septembres.

XXII.

HENRICUS IUNIOR PIGMALIONI suo S. P. D.

*Rumpor & ora mihi pariter cum mente
tumescent;*

Pectoraque inclusis ignibus usta dolent.

Miror te hominem audacem ac planè temerarium urbem ingressum Trebericam, qui in nostris scripsisti Epistolis: Christitunicam vestem esse antiquam & pediculosam. Rectè igitur tibi Insano nomen, qui sanus nonnunquam tantam incurristi insaniam. Revertere Pigmalion, revertere, ne carnifex illic sanguinarius te supinum in furcam suspendat.

pendat. Quod autem de Abderite Philosopho scripsisti non possum non probare: plerique tamen (ut audio) credunt magis, illum si ab inferis resurgat, nobis derisui ludibrioque futurum, novorumque simul criminum materiam præbiturum: utpote qui pro nostrâ inveteratâ libidine & malitiâ prorsus indies in infinitum excrecente, non solùm stultitiâ & temeritate nostrâ contenti sumus, sed prudentiam quoque, si qui prudentes sint, sapientiamque contemnimus, & quorum vereri debemus auctoritatem, præsentiam frequenter irridemus. Vale diu, & Deos ora immortales, ut nos perpetuo ab invidorum livore defensent. Ex templo Dianæ Ephesinæ.

XXIII.

IOACHIM CARBUNCULANUS.

Ioanni Buffelino.

PRæterii nuper Colonix Theologorum scholas, celebres profectò & magis quàm ipse putâram bonis omnibus venerandas: ubi inter disputandum nonnulli aderant, & hi quidem de caliginosâ Obscurorum Reuchlinistarum cohorte, sub vapido medius fidius pectore astutam gerentes vulpem. Qui cum perfrictâ fronte & obstrepero simul clamore poetarum fabulas solamque eloquentiam (ut
nostra

nostra fert consuetudo) syllogisticis Theologorum disputationibus anteponerent, Doctor quidam Silicernius, censorium repræsentans Catonem, Nihil, inquit, cum fidibus graculo; nihil cum amaricino sui. quo expressissime (ut sic dicam) & solerter significatur, neque melodiam avibus obstreperis, neque unguenta porcis convenire lutosi. Fabulis igitur assueti, & secularibus solum delibuti literis, gravissima quæque & divina contemnunt. Quod quàm sit flagitiosum nemo prorsus sapientum ignorat. Legunt etenim (at nesciunt tamen) holitorem sæpius (ut est in proverbiiis) opportunè loqui, sordidoque in panno sapientiam nonnunquam latitare, quæ calamistratam non desiderat orationem, levisque poëtarum figmentis tantum præstare creditur, quantum animi corporibus & bestiis homines antecellunt. His itaque peractis & immodicâ nobis confusione obortâ, tristes unâ aufugimus, & id quidem hospite non salutato. Nam si graves illi viri nos leviculos deprehendissent, graves proculdubio nostræ temeritatis poenas in scalis dedissemus. Vale diu. Bonnæ ex domo antiquæ mulieris quam vulgo Nisam appellant, quæ nos esurientes implevit rapis, & divites dimisit invitatos.

XXIV.

IOANNES BUFFELINUS,

Ioachimo suo S. P. D.

*O funesta dies, ô lamentabile tempus!**O furor, ô rabies, ô detestabile virus!**O dolor, ô regum impietas, ô mortua
virtus!*

EXclamare non immeritò possumus, mi
suavissime Ioachim, eas nobis in tenebris
illusiones oboriri, quos insani homines ferre
neutiquam possent. Quapropter ut huic rei
propius accedam, eadem tibi audienda est
historia. Peroranti mihi nuper Moguntiae de
literis politioribus, easque cunctis tam vete-
rum quàm neotericorum disciplinis antepo-
nenti, Theologus quidam & canitie venera-
bilis, & sermone (ut verum fatear) unus o-
mnium modestissimus: Oratio, inquit, venusta
& perelegans, non habens dignam auditu
sententiam, ridicula est planèque volatilis, in-
cultae etiam, ac strepitu exhibilanda audito-
rum. Nam sicuti corpus vivum nobilius est
non vivo; sic etiam oratio gravis & humili
contexta filo, elegante nobilior est non gravi.
Itemque quemadmodum corpus non vivit in
quantum corpus, sed per id (aliàs enim omne
corpus viveret) quod nobilius est, puta ani-
mam: ita etiam oratio magis verborum
pompa.

pompa quàm sententiarum gravitate exurgens, exanimis est, penitusque rejicienda; præsertim si bonos laceffere, malis adulari, ac suos tandem errores vel insaniam potius, per omnes impudentiæ numeros defensare non erubescat. Hæc me invitum audire, viri coëgit auctoritas: quæ si talpis tenebricosa, lyncibus tamen (ut illi volunt) perspicua satis esse videntur. Ego autem, quod scircupis, illis nequaquam adsentior, etiam si virtutem ipsam, millesies cœlo delapsam (obstinati enim in malitia cum Diabolis sumus) luce clarius intuerer. Verùm hæc aliàs. Quod præterea Coloniam insalutato hospite reliqueritis, nihil mihi potuit vel auditu jucundius, vel laude magis dignum referri. Hoc enim nobis semper agendum esse, in statutis nostris provincialibus, à Doctore Grytz nuper editis, apertissimè continetur.

Postremò autem vos plurimum laudo, atque magnifico, quòd solâ fugâ vestræ incolumitati tam ingeniosè prospexistis. Quod nisi factum fuisset; sacco forsitan illic vos Cathégorico inclusos in Rhenum coniecissent. Vale cum tuis, quamdiu voles. tam diu autem velle debebis, quoad te Obscurum Reuchlinistam esse non pœnitebit.

XXV.

ANTIPHO CASTRONIUS,

Ioanni Corvino S. P. D.

Rogasti me sæpenumero per literas, Corvine, ut epistolam Ioannis Pepericorni, ad Summum nuper Pontificem missam, tibi pro nostro in te officio legendam procurarem. Respondebo igitur petitioni tuæ, quam & id pro nostro in te officio (ut verbis utar tuis) facere neutiquam debuissem. Nec mirum. Quid enim stultius, quid dedecoriosius, quid injucundum magis, quam tyronis gladio militem confodi veteranum. Capniozoius profecto est & publicus Iudæorum hostis, qui in sua etiam ad Sanctissimum defensione, ita nos omnes rebus convincit necessariis, ut bonis omnibus ludibrio esse videamur. Atqui sic à summis eruditissimisque viris accepimus, eundem Pepericornum (et si *rumpantur illa codro*) tantâ virtute, tantâque præditum humanitate, ut laudem potius bonorum, quam insignium meruerit Reuchlinistarum contumeliam, qui se ipsos Obscuros ultro dici voluere. Nam qui animas quatuordecim Diabolo subtraxit, & Christo consecravit, eum in fide Catholicâ syncerum esse dicamus necesse est. Hoc credi jubet veritas, quæ quantam (etiam inter malos)
habeat

habeat vim , non ignoras. Verùm hac de re
fatis , tu quæ scribat intueri , & nos ut soles
ama. Vale diu , Romæ ex nostris ædibus,
xvi kal. Octobres.

E P I S T O L A

IOANNIS PEPERICORNI,
ex Teutonico in Latinum translata.

Beatissimo in Christo Patri
Domino nostro, D. LEONI
divinâ providentiâ Papæ X. Reve-
rendissimisque Cardinalibus Ioan-
nes Pepericornus olim Iudæus,
nunc verò Christianus omniumque
minimus , post pedum atque ma-
nuum oscula , sese totum subjicit,
& auxilium adversus impiissimè
scribentes humiliter implorat.

Beatissime Pater , quanquam minime dig-
nus sum, ut vel ad sacratissimos pedes Tuos,
vel ad celsissimam Tuæ Sanctitatis Sedem ver-
ba profundam : tamen quia Reuchlinistarum
nuper quorundam (quos Obscuros vocant)
contumeliâ, falsissimisque quibusdam invecti-
vis extimui penè factus sum ab ovili tuo,
Christi

Christi vulneribus septo, non possum non sperare & firmiter credere, quin si Neophytus ipse veritatem proposuero, & per viam regiam ambulando instar Divi Pauli Synagogam Satanæ & colluvionem Iudæorum execrabilem tortuosumque labyrinthum pro meâ parvitate suppressero, immortale sim cum Beatis præmium habiturus, nec minorem etiam gratiam in oculis Sanctitatis Tuæ. Verùm enimverò cum sub hoc orbe lunari Christi vicem perbeatè in terris geras; & alterum nobis Deum repræsentens, personarum acceptor esse non potes. Sed quo me vertam præ dolore? Quibus supplicabo? Quos miser ipse implorem? Te medius fidius Patrem beatissimum quem admiranda probitatis omniumque virtutum merita, & incorrupta vitæ integritas ad supremam atque inaccessibilem penè mundi Cathedram, jure optimo extulerunt, qui & misericordia dignis misereri, & superbos debellare, pro tua moderatione atque justitiâ quàm optimè didicisti. Cæterum Beatissime Pater, ut ad rem ipse paulatim declinem: Postquam Serenissimus noster Imperator, omnium literis atque linguis extollendus, Universitatibus aliquot Archipræsuli etiam Moguntino, itemque & hæreticæ pravitatis Inquisitori, ac Ioanni denique Reuchlin legum Doctori jam pridem demandasset, ut quid de libris Iudæorum quibusdam scandalosis

dalosis & in Ecclesiam Dei blasphemis agendum foret, ad Salvatoris nostri honorem omniumque regeneratorum salutem quantocius deciderent. Cùmque omnes excepto Ioanne Reuchlin, velut uno ore ex instinctu Spiritus Sancti pro Christo & loquerentur & scriberent; solus ipse inventus est, qui (ut multarum Universitatum testimonia probant) Iudæorum perfidiæ magis quàm Sedi Apostolicæ aut Sacratissimo fidei negotio in sua consultatione adhæreret. Taceo (prò pudor, nefas est dicere) quòd in eadem suâ consultatione (quod postea Speculum Oculare est appellatum) me nuper in Christo feliciter baptizatum, nullis meis demeritis (quia alter alterum non noverat neque viderat unquam) quovis modo præcedentibus, apud C.M. malè tractarit, verissima quædam contra me pro Iudæis falsissimè improbando. Quapropter mihi, proh dolor! sic curarum omnium libero, nihilque fraudis inopinæ cogitanti, respondendi stylum vel invito objecit, quo semper is qui læsus est prior (quamvis etiam intra infimos omnes esse homines videatur) tueri sese, & id quidem duce naturâ, non instrenuè ab adorientibus potest. Multis itaque id genus aliis rebus ac clausulis (quæ in nostrâ ad Tuam Sanctitatem defensione prolixiùs continentur) non indecenter omissis, hoc solum adjiciam, quòd ipse Ioannes Reuchlin, &
sectato-

sectatores ejus Cæs. Maj. mandatum, de silentio ultro citroque observando, non solum non observârunt, velut nostra epitome sive summarium explicat; sed ne Tuæ quidem Beatitatis solenni decreto parentes, in me alogum, atque optimum quemque è nostris supra quàm cuiquam credibile est, in execrabilibus suis Epistolis, quas Obscurorum inscripserunt, per omnem impudentiæ contumeliam omne virus fonticum velut polylogi turpiter expuerunt. Veruntamen, quia (ut fides nostra Catholica habet) nullum sine auctoramento est malum, iidem nescio qui perduelles Reuchlinistæ minimè natura cicures manifestâ phrenesi in me ovem misellam (& id quidem absque suorum nominum professione) crudeliter debacchantes, justas meritò pœnas darent, fœdam suorum orium graveolentiam & voce & scriptis revocantes. Irritatus igitur & coactus librum quendam in Christo edidi, quam vulgo Apologiam vocant, Tibique Patri Beatissimo, Vobisque Reverendissimis Cardinalibus perlustrandum ac defendendum hoc pacto nuncupavi, ut vera mihi auxilium, falsa autem severam sine gratia censuram administrent.

Tuam itaque Sanctitatem velut Domini nostri locum in terris tenentem, ac Ministrum & Ducem Universalis Ecclesiæ, suppliciter invoco. Te certum & indubitatum Beati Petri Successorem imploro, ut me Christianum in-

tra septa tua cum cæteris latitantem, & infinitis penè injuriis penè enectum, à lupis rapacibus lacerari non finas. Vos quoque Reverendissimos Dominos Cardinales, veros justitiæ Patronos appello, vos obtestor, vos obsecro, ut veritatem profitenti & indignè à malevolis læso, Salutis opem præstare velit. Quod si feceritis, plures procul dubio Iudæi ad fidem nostram convertentur. Nam qui animas quatuordecim è tenebris cæcorum ad veritatis lumen traduxi, nullam commerui Christianorum contumeliam. Vale feliciter Pater Beatissime; Vosque Reverendissimos Ecclesiæ Primates, verus DEUS verusque DEI Filius quàm diutissimè conserve.

XXVI.

IOANNES CORVINUS,

Antiphoni suo S. P. D.

Omnia vis veritatis, quæ contra omnium ingenia, calliditatem, solertiam, contraque factas, (ut Tullius ait) omnium insidias, facile se ipsam defendit. Si enim & innocentes & boni existimari volumus, non solum nos abstinentes (ut est apud eundem) sed etiam nostros comites præstare debemus. Primum igitur omnium, tanta nobis opera danda est, ut eos habeamus amicos, patronos
etiam

etiam ac defensores, qui nostræ famæ capiti-
que consulant. Denique si in his ipsis pruden-
ter deligendis, spes ipsa nos fefellerit, ut vin-
dicemus, multarumque Universitatum Theo-
logos supprimamus, missos facere consilium
est, & temeritate duntaxat atque mendaciis
(ut in hunc usque diem fecimus) pro virili
decertare. Literas autem Pepericorni, quas
ad me infaustis dedisti avibus, lachrymis prope
delevi. Nam tanta mihi innata est malitia, ut
veritatem ipsam contra Ioannem Reuchlin
triumphare, pati neutiquam possim: etsi
Lactantius Firmianus libro primo Di. Inst.
nullum esse voluerit animo cibum suaviorem,
quàm veritatis cognitionem. Cave præterea
de numero nos esse Obscurorum Christiani
intelligent, ne veterum consuetudine, viri for-
tes acrioribus suppliciis civem perniciosum
quàm hostem acerrimum persequantur. Vale
diu, nec tuorum te pœniteat delictorum. Ex
Heydelbergâ.

XXVII.

IOANNES IAMBICUS,
Bartholomæo Sapphico S. P. D.

Vetus mihi tecum ac stabilis (ut nosti)
semper consuetudo fuit, quæ nec tempo-
rum calamitate, nec livore peribit invidorum.

Te igitur oro atque obsecro , ut aliquot mihi carmina ad convivalem nostram mensam suspendenda componas , quo & plenum nobis sapiat vinum , & cum Libero patre , liberi à Theologis esse possimus. Vale Specimen Obscurorum.

XXVIII.

BARTHOLOMÆUS SAPPHICUS

Iambico suo S. P. D.

Reditæ mihi sunt jucundissimæ literæ tuæ , quibus minus liberè quàm oportet ab amico petis , ut carmina tibi aliqua mittantur ad mensæ frontispicium depingenda. Quocirca cùm, teste Philosopho , frustra fiat per plura quod paucioribus absolvi possit, unico duntaxat Lucilii versu (quem Attæius Capito facit plurimi) tuæ satisfaciam expectationi ; isque tandem est

Vivite lurcones , comedones , vivite ventres.

Vale decus Obscurorum , & nos amare persevera.

XXIX.

MACHAON GURGULIO,

Philippo Ligurario S. P. D.

Intellexi commentaria quædam esse edita in duodecimum Physicorum Aristotelis , & in sextum de Anima, quæ ut brevi habeam , tui
crit

erit officii providere. Est enim mihi à Valeriano urbis præfecto, ordinaria nuper in illis lectio assignata, cui respondere & Theologos remitti, nostrum est institutum. Vale, & te amantem redama. Tubingæ, I V Idus Octobres.

X X X.

LIGURARIUS SUO

Gurgulioni S. P. D.

QUæ à me petis in Aristotelem commentaria, vidi nunquam. Cave id viri olfaciant sapientes, ne ridiculum nos esse genus hominum arbitrentur, neve tu cum Phyllide Ovidianâ insperato exclamites: *Hæc patior telis vulnera facta meis*. Duodecimus Phyllicorum liber, *rara avis in terris, nigroque similis cygno*. Si autem Theologi nos tam rudes Philosophiæ intellexerint, actum de nobis erit. Nam quid Picus Mirandula de levibus quibusdam Grammatistis ad Hermolaum scribat, non ignoras. Vale Gurgulio, tibi que persuade, unam eandemque in malis animam nostris inesse corporibus.

X X X I.

ANDREAS CASTRIMERGIUS

Oswaldo Flockano S. P. D.

Librorum copia me plurimum delectat, mi Flockane, hoc tamen unum procul

E 3

excellit

excellit atque eminet, non solum, quia majus, aut factum egregium; sed quod per ingentes librorum fasciculos, & onerosam fabularum congeriem Theologos aliquando convincere possimus. Te igitur & hortor & moneo, ut novo aliquo opere, recens impresso, nos donare non dedigneris, etiamsi id ipsum multiplici lingua sit editum. Vale.

XXXII.

FLOCKANUS SUO

Castrimergio S. P. D.

*In nova fert animus mutatas dicere
formas*

*Corpora. Dii captis (nam vos mutastis
& illas)*

Aspirate meis.

DO tibi dono Marcolphi dialogum, quem Cornutus Sibarita ex Latino nuper in Græcum transtulit: ita etiam ut nunc Atticam videatur redolere lucernam. Ego autem longius per cancellos videns, illum continuo ex Græcâ Linguâ in Scoticam, ex Scoticâ in Ligusticam, ex hac item in Bohemicam, Sclavonicam, Gothicam, Babyloniam, Ægyptiacam, non sine magno labore nocturnisque vigiliis traduxi. Habes igitur novum à me munus, frater charissime, mea quidem sententia

tia magnum & Obscuris omnibus quàm maximè accommodatum, sed perinde erit, ut acceperis, quanquam & insipientes ipsi suam hinc sapientiam liquidò haurire queant. Cave tamen hoc tam obstupendo tamque egregio abutaris dono, ne ex novâ radice novum oriat^{ur} adagium: Sapientiam nostri temporis magis in linguis hominum, quàm in virtute aut morum sanctimoniâ consistere. Vale diu, & me tuum esse Apollinem crede.

XXXIII.

LOERKANTIUS SCHARPENECK;

Mententulo Cossio S. P. D.

NÆ tu homo lepidus es, aut potius (ut ita dicam) inhumanus, qui periculosis hisce temporibus nihil omnino mecum literis obstrepas. In amore quidem mutuo non sic languere debemus, ut pungentibus literarum aculeis, ad suum quisque officium incitemur. Te igitur plurimum oro, ut literas ad me des, quibus certior fiam; quid tandem de nobis Obscuris Parrhisienses illi sentiant Theologi, quid item Lovanienses, quid Moguntini, quid Erphordenses & Colonienſes Academiae Magistri, ac boni denique omnes. Vale.

XXXIV.

MENTENTULUS, LOERKANTIO.

Suo S. P. D.

SCio te novarum rerum esse percupidum, & in alienâ Republ. maximè curiosum. Quid obsecro induratum refricas vulnus? quid ingrata auditu expostulas? quid te proprio cædis ligone? Vis tibi veritatem dicam? Ipsi profectò omnes, uno ore parique consensu levissimos esse lenones prædicant, vel ob hanc potissimum rationem, quòd os habeamus blasphemum, impudicatum, impurum, spurcatum, maledicum, fœdum, obscœnum, contaminatum, sordidum, fæculentum, superstitiosum, taminatum, truculentum, impium, omnique criminum visco oblitum. Postremò quod me magis movet, quanquam tot præclaræ Universitates *Oculare speculum Ioannis Reuchlin* ad ignem condemnaverint, & Coloniae pro tribunali combustum sit, ipsumque, quem dixi, auctorem Parrisienses ipsi ad publicam velint revocationem compellendum: tamen (ne diutius te morer) ubi dextram illi, nobis procul dubio laqueum præberent. Vale.

XXXV.

MALACHIAS LYRICVS,

Cæsario Vederwiser S. P. D.

EGO Labeone atque Oreste insanior, qui dimissis nuper jucundissimis (nescio quo ductus

ductus spiritu) poëtarum fabellis levibusque (ut sic dicam) Obscurorum nugis , ad ultramundanam me contuli Theologorum speculationem, ut quid facere possent literæ , experientiâ magis quàm aliorum recommendatione metirer. Lectitanti itaque mihi (quum iudicium habeam ad perpendiculum, ad amussimque quadratum) nihil penitus quod animum oblectaret inveni. Fastidientem fortasse stomachum multicolor offendit cibus, & elegantissima quæque degustare solitum, impolita ab incepto rejecit oratio. Si enim sub meam censuram aleamque Sacræ Scripturæ venirent interpretes , nequaquam eos priscis Lingux Latinæ auctoribus compararem. Nihil ibi (quantum meum fert iudicium) intra dies tres (quibus me totum illi dedicâram) invenire potui , quod vel M. Ciceronis vel Vergilii lucernam oleret. Eam igitur, quam dixi, Scripturam hisce Papinii verbis alloquimur, *Nec tu divinam Aencida tenta. Sed longè sequere & vestigia semper adora.* Quapropter ne aquam cribro infundam, neve Anticyram petens Helleboro (ut Theologi volunt) cerebrum expurgem meum, secularibus ego literis contentus, totam illis legendam relinquo. Cæterum si à me scire desideras , quam potissimum ob causam sacros ego aliquot Ecclesiæ Doctores minus amem, Ob hanc, inquam, quòd omnibus in locis pseudo-

Christianos (quales fortasse nos sumus) severâ semper castigatione reprehendant. Hinc illud ascitum est Terentii patris nostri ad-
 agium ; Obsequium amicos , veritas odium
 parit. Vale cum tuis , & quid ipse sentias re-
 sponde. Ex Tubingâ , x v kalendas Octobres.

XX XVI.

CASEARIUS MALACHIAE suo S. P. D.

Recte facis, mi Charissime Malachia, quod
 sacris quibusdam literis abs te in exilium
 missis, solam eloquentiæ majestatem, solam-
 que (quæ apud Oratores tantum est & Poë-
 tas) bene dicendi vim, velut Apollinis nostri
 oraculum, studiosè excolas, reverenterque
 adores. Veruntamen tuas ad me literas in con-
 vivali nuper sermone (id quod sine lachrymis
 dicere non possum) nostris contribulibus re-
 citanti, quidam Iurisconsultus, emunctas
 purgatasque nares habens, tortuoso respondit
 vultu, *Non falernum canes*. Adjecit quoque
 cum penitus amentem esse, qui sanctum cani-
 det, & ante suam rosas margaritasque disper-
 gat, nos porcos (proh dolor!) significans, qui
 terrena pluris quàm cœlestia faciamus. ac si
 aperte cum Hermolao Barbaro dixisset, nil
 opus esse tantis rhetoriis, nec ranis & quidem
 seriphiis quicquam propinare. Sic lætis inter-
 veniunt:

veniunt tristitia, mi Lyrice, & extrema gaudia
(ut in veteri est proverbio) luctus occupare
consuevit. Verum hac de re satis. Quid autem
de Literis sentiam Divinis, paucis accipe. Ego
tuam subscribo sententiam, illi immorabor,
illi soli serviam. Aperienti etiam mihi Psalterium,
multa sæpe, (nescio quo id fiat spiritu)
quæ nolim, offendo. Hæc inprimis. *Ecce peccatores intenderunt arcum, paraverunt sagittas suas in pharetra, ut sagittent in obscuro rectos corde.* Hic enim per ipsos peccatores (ut ab aliis accepimus) nos Obscuri intelligimur; per rectos verò corde Theologi. Item alio in loco Psalmista inquit, *Corrupti sunt, abominabiles facti sunt in studiis suis. non est qui faciat bonum; non est usque ad unum.* Et iterum: *Sepulchrum patens est guttur eorum; linguis suis dolosè agunt, venenum aspidum sub labiis eorum.* Postremò sic: *Os eorum maledictione plenum est, & veloces eorum pedes ad sanguinem effundendum.* Hæc atque alia id genus multa, quum ego corde obstinato & caligantibus oculis in obscuro perlegissem, illumque præsertim versiculum; *Fructum eorum de terrâ perdes, & semen eorum à filiis hominum:* mox ego (ut verum tibi fatear in tenebris) toto à me Psalterio & multis Sacræ Scripturæ libris in frustra secatis, ac deinde combustis ad fabellas me contuli poëtarum, ubi quàm dulcem

invenerim cibum , & quæ Deorum esculenta , cogitare poterunt pauci , dicere nemo. Vale in tenebris & lucem fuge.

XXXVII.

CORIDON PEDICULARIUS,

Malachiæ Lyrico & Casario Vederwiser
suis contribulibus S. P. D.

LAudo vos plurimum , Viri præstantissimi , quòd dimissis Theologorum ac Iureconsultorum scholis ad Libethridum vos contulistis speluncam Nympharum , & ad divina illa poëmata , quæ nectar nobis atque ambrosiam præbent. Quis enim Thomam , Scotum , Albertum ; Quis Gregorium , Bernardum , Bonaventuram , Nicolaum Lyranum , Quis sacros Canones , sextum & Clementinas ; Quis denique Abbatem , Angelum , Felinum , Ioannem Andreæ , aliosque id genus infinitos , sermones etiam ac summas (ut ita dicam) ex diversis Ecclesiæ Doctoribus compilatas legere dignaretur ; in quibus parum aut nihil invenitur , quod Vergilianam redoleat lucernam ? Quis præterea istiusmodi libris impallesceret , qui severissimè nos (sumus enim naturâ omnes ad mala quàm ad bona procliviores) & redarguunt & castigant ? Iucundissima igitur legamus , eloquentiæ saltem flosculis exornata. Quid iucundius quàm Le-
dam ,

dam à Iove in specie cygni stupratam ovum peperisse, ex quo Castor, Pollux & Helena nati sunt? Quid suavius quàm Iunonem Iovis fuisse & sororem & conjugem? Quid admirabilius quàm Venerem ex testiculis Cœli in mare projectis legi procreatam? Quid tandem festivum magis, quàm Pasiphaën Minois regis Cretæ uxorem biforme ex Tauro monstrum peperisse? Omitto reliqua quæ si enarrare contendero me sit dies defecturus. Valeant itaque qui inter nos dissidium volunt. Valete & vos, Tubingæ.

XXXVIII.

GEORGIUS SUBBUNCULATOR;

Agrippæ Stygiano S. P. D.

Quidiculum caput, vix tribus anticyris sanabile, quid mihi de inferorum regno, quid de campis Elysiis, quid de præpotente Plutonis manu longè latèque in terræ visceribus dominante, tuis ad me literis disseruisti? Falsa sunt quæ de inferis garrere soles. Nam Servius in sextum Vergilii, inferos negat propter ejus soliditatem in centro terræ contineri posse. Lucretius etiam nullos esse inferos cecinit hoc modo:

*Qui neque sunt usquam, neque possunt
esse profecto.*

Sic.

Sic Pythagoras apud Ovidium inquit :

*Quid Styga, quid tenebras Et nominis
vana timetis,*

Materiem vatam.

Quin etiam Marcus Tullius in Oratione pro Cluentio, falsa esse quæ de inferis traduntur, indubitanter affirmat. Stultum est ergo ô stulte, incerta pro certis habere, ac falsa pro veris. *Qualibus in tenebris vita, quantisque periculis Degitur hoc avi quodcumque est?* si non sunt inferi si non sunt regna Plutonia, si Elysium ac Chymeram juxta habemus; quid obsecro nobis erit, quò Rege cœli contempto & virtutibus denique omnibus in exilium missis, inter saxum & sacra perpetuò lamentabimur. Vale.

XXXIX.

AGRIPPA STYGIANUS;

Subbunculatori suo S. P. D.

TAce bestia, tace, inquam, bestia, qui corpus es sine pectore, & nodum in scirpo quæris. Noli metuere ne non regna sint inferorum. Faciam Georgi, ut mei perpetuò memineris, néve in te docendo operam luisse videar. Tres intra dies mecum cum Plutone cœnitabis. Ibi enim de cocyto, Acheronte, lethæo amne, stygia palude, phlegethonte,

furiis

furiis infernalibus, Tantalos etiam ac Sisyphos certum iudicium dabis. Te quoque per Deos immortales, per Caput, per fidem, perque inferos omnes obtestor, ut Epistolam ad me tuam flammis confestim tradas, ne Theologi illam legentes, te poetarum figmentis corruptum dicant, omnemque ex illis errorum sentinam hauriri. Vale.

Nunciantur Obscuris nova.

XL.

SCLABBERTUS KUCKUICK,
toti Obscurorum Cohorti S. P. D.

Solventi hinc Francfordiam mihi ad Kalendas nuper Septembres, ut Iudæis Christi inimicis nova quædam adferrem, visi sunt in naviculâ nostrâ Prædicatorii Ordinis fratres octo, & clarissimi aliquot Iuris utriusque Doctores. Magnâ igitur contentionum habitâ occasione, ostendi illis Epistolam Ioannis Reuchlin, ad Kal. proximè April. ab eo concinnatam, ac deinde in lucem editam; in quâ Reverendum Hæreticæ pravitatis Inquisitorem, Canem appellat & Cerberum. Quod cum illi audissent: Mendacium est, inquit; quoniam teste Philosopho, species rerum transmutari non possunt. Nec iterum Cerberus dici potest, quem Tullius lib. primo Tusc. quæstion. esse apud inferos negat. Hæreticum

ticum est ergo vivum hominem bestiam dici
 quæ animam habet mortalem. Adjecerunt
 præterea, istiusmodi convitiis nihil ad pri-
 mam Inquisitoris apologiam responsum esse:
 sed mendacia solùm mendaciis aucta. Scribit
 enim, Inquisitorem plus centum locis esse
 mentitum, sed nullam rationem, nullumque
 allegat locum. Vult quoque eundem (Patrem
 aliqui Pientissimum plenumque & officii &
 religionis) profugum ab urbe, turpemque rei
 familiaris fratrum suorum dilapidatorem Au-
 rum etiam Iudæorum sitire, deditaque ope-
 râ, uno ore & unâ horâ pugnantiâ & sibi con-
 traria affirmare. Quæ omnia & id genus si-
 milia quàm sint turpiter & dolo malo in viri
 invidiam à Capnione conficta, Inquisitor ipse
 in secundâ suâ Apologiâ jam recenter edi-
 tâ, luce clarius demonstravit. Quam qui lege-
 rit, dicto citius proclamabit, Illam æquè
 Capnionis epistolam ac totam ejus defensio-
 nem præter nugas & convitia reliqui nihil
 continere. Hæc cum audissem, totus ego
obstupui steteruntque coma & vox faucibus
hæsit. Nam si secundam nundinis nunc Sep-
 tembris Apologiam ediderit, actum procul
 dubio nobiscum erit, vel ob hoc solum, quòd
 talem eam esse dixere, quam *nec Iovis ira*
nec ignis Nec poterit ferrum nec edax abo-
lere vetustas. Valete Patres Conscripti, Ex
Coronâ Moguntinâ.

IOANNES MURMELLIUS

*libro II Elegiarum suarum in laudem
ARNOLDI Tungerensis, summi &
vers Theologi hoc carmen edidit; quo qui-
dem CAPNIO Nipse & Obscuri om-
nes non obscure convincuntur.*

Nunc precor Arnoldum blandè fac Musa
salutes,

Tungrorum veterū spemq; decusque novū.

Qui primos inter Proceres vestigia Divi
Alberti sequitur, optima quæque docens.

Quem dubites morum laudes æquabilitate
Amplius, an Sophiæ cognitione sacræ.

Externas cujus longè pervenit in urbes
Nomen, & insignis fama pudicitæ.

Hoc est Laurenti domus & Scholà læta ma-
gistro,

Urbis Agrippinæ clarior & reliquis.

Hocque novum juvenes spatiando docente
lycæum,

Discipulos plures quàm Theophrastus habet.

Huic præceptori multum debere fatemur,
Quamvis sit sophiæ portio parva mihi.

*Quarimonia fidei ad Obscuros
Reuchlinistas.*

Gens inimica DEI, quæ te vesania tor-
quet,

Quis furor usque adeò corda prophana-
rapit?

Spar-

Spargitis in Christi famulos Mavortia tela :
Nectitis & lethiretia sæva trucidis.

Quid juvat insontes sic Marte laceßere duro
Christigenas? quid sic nos jugulare juvat?

Vos colitis spurcæ sectæ ludibria Turci ,
Tartareum colitis & sine mercede Iovem.

Thura datis manibus Diti non justa pro-
phanis ,

Atque vorant stygii Turpia liba canes.
Ecclesiæ Sacram nolite laceßere Sedem ,

Hanc Christus statuit, hæc sine fine manet.
Pellite barbaricos vos Turci quæso furores ,

Nossequæ supremum discite quæso Deum.
Heus vestros animos seducit pseudo-propheta,

Quem Phlegethonte gurgitis unda vorat ,
Vana fides vestra est, non est ratione probata.

Adversus summum pugnat iniqua Iovem.
Ad mea dicta aures animosque intendite

vestros ,
Qui cupitis prompto noscere corde Deum.

Contra qui sanctas leges contemnitis , hinc
vos

Effugite, & sacras linquite quæso domos.

Τέλος καὶ Θεῷ δόξα.

Finis & Deo gratia.

Epistola

*Epistola ad Lectorem protreptica,
hoc est, instructiva.*

ORTWINUS GRATIUS,
Lectori Christiano S. P. D.

SUNT Obscuri quidam in terris Reuchlinistæ, Lector Candidissime, qui Deum blasphemantes ac Sanctos ejus, Clarissimos aliquot Universitatum Theologos, meque postremò ipsum pro fide solùm Catholicâ, contra Oculare Speculum Ioannis Reuchlin, pravis (ut illi volunt) hæresibus plenum, ad sanguinem usque decertantes, contumeliosis laceßere convitiis non erubuerunt. Fictis enim sibi tum nominibus tum cognominibus (quam scribendi licentiam ab orbe condito nemo hominum est secutus) omnem maledicendi rabiem effudère. Quibus Sanctissimus Dominus noster Leo Papa X, pro sua in Christum pietate maledicens, scandalosæ illos garrulitatis auctores & filios iniquitatis non indecenter appellavit; utpote qui in maximo suorum facinorum crimine gloriantes, nullumque Deo honorem habentes, summam in Christi fideles impressionem fecère. Intueamur itaque valentes illos homines (in quorum sententiam nemo iturus est, & quibus nullos pejus odit mundus) quam tandem gloriolam seu

ſeu potius infamiam ſuo Capnioni pepere-
rint. Nefcio tamen quibus loquor , Lector
chariſſime ; Obſcuri ſunt , nemo eos videt ,
nemo bonus novit. Quapropter nemo eos
offendit , nemo ſcandalizat. Si conſcientiam
ſuam aliquando intueri voluerint , & coram
D E O ſuarum Epistolarum rationem redde-
re , commiſſi eos ſcleris procul dubio pœ-
nitebit. Non unâ Epistolâ , verùm ſexcentis
ut ſic dicam , iterum atque iterum amplia-
tis , optimos quoſque offenderunt. Notum
eſt & publicum , ubi illorum Epistolæ impreſſæ
ſint ; noti etiam auctores. nos tamen bonum
pro malo damus ; neque hoc loco quenquam
Obſcurorum nominare volumus , ne ſtulto
reſpondiſſe judicaremur juxta ſtultitiam
ſuam , ne etiam contra Chriſti doctrinam
vel viventibus illis vel mortuis ſcandali ali-
quid imponeremus. Cæterum ſi Apoſtolicas
cenſuras contemnere , ſi Eccleſiæ inobedien-
tes , & ſacræ fidei (optimis quibuſque illu-
dendo) rebelles eſſe perſeveraverint , repellet
eos ab ovili ſuo Chriſtus Salvator noſter. Ut
autem me plenius intelligas , Lector Chri-
ſtiane , teque non prætereat , quare præce-
dentes in hoc noſtro libello epistolæ inſcri-
bantur *Lamentationes Obſcurorum* , quum
tamen à me ſolo compoſitæ & in lucem edi-
tæ ſint , Dicam proſectò & fatebor ingenuè ,
eadem me accepiſſe nomina & his ſimilia ,
qui-

quibus Obscuri Reuchlinistæ in suis Epistolis, à Sede Apostolicâ jam pridem condemnatis, falsò usi sunt, ut sub talium fictorum nominum tegmine, illorum vesaniam bonis omnibus declararem. Nec item mihi ea res fraudi esse debet, quòd levicula quædam, nostris hisce Lamentationum epistolis intermixta sint: quum teste etiam Salomone, stulto nonnunquam respondendum sit juxta stultitiam ipsius, ne soli sibi sapere videantur. Hoc autem fieri non abs re posse nobis perbeatè scriptum reliquit Sanctus Thomas Sec^a. Sec^æ. Q. LXXII, de contumeliâ & verborum injuriis. Desinant igitur gloriari in malitiâ & nequitia, quod est peccatum in Spiritum Sanctum. Modestiâ enim opus est, non iniquâ contentione, qua Capnionem etiam suum (etsi omnium sese Sycophantarum longè nequissimos multoque impudentissimos ostendant) defendere neutiquam possint. Vale. Lector piissime, & hæc, quæ citra bonorum indignationem dicta sunt, boni consulito. Colonix Anno M. ccccc. xviii.

Sequitur epistola apologetica
& gravis Ortwinii Gratii, ob primam
à parvulo educationem Daventrien-
sis cognominati, Agrippinensis quo-
que Academiae Philosophi, Christi-
que

que Sacerdotis, Obscuræ Reuchlinistarum cohorti, citra bonorum indignationem dedicata.

GRaviter & iniquo animo maledicta vestra paterer, Viri Obscurissimi, si vos scirem iudicio magis quàm morbo animi petulantia vestra uti. At quum in vobis (ut Sallustii verbis utar) *neque modum neque modestiam ullam animadverto*: nec sit sub orbe lunari tam impiæ mentis homo, qui idipsum negare aut possit aut debeat aut velit, vobis pietissimè respondebo, ut si quam maledicendo in Deum & in homines libidinem cepistis, eam vel patienter (modò lucis filii esse voveritis) vel malè audiendo, amittatis. Legi nuper Epistolas vestras, quas *Obscurorum virorum* inscripsistis: à Lamentationibus perfectò vestris (quas alite calamo nuper exaravimus) longè differentes, utpote plenas omnis impuditiæ & iniquitatis. In quibus non modò viros eruditos & probos acerrimosque fidei Catholicæ defensores, verum etiam Deum ipsum, nostræ salutis opificem, per omnes impudentiæ numeros blasphemare, Divam quoq; Virginem Salvatoris nostri parentem ludendo, quæ de eadem in Sacris scribuntur Literis, vestris meretricibus adaptare, & Sanctos denique ipsos vestris exagitare lenociniis non erubuitis. O tempora maledicta,

in quibus Reverendissimi Præfules, illustrissimique Principes hæc fieri patiuntur. O nefasti (ut de vobis duntaxat Obscuris loquar) vestrae nativitatis dies. O mores præposteris, omni-genis obumbratos criminibus. Vos profecto estis, in quos fines seculorum devenere, vos inquam Antichristi præcursores & dissoluti Iudæorum rabulæ. Unius enim viri Ioannis Reuchlin contemplatione neque Deum timetis neque homines. Rectè igitur à Psalmista dictum est, *Exacerbaverunt eloquia Dei, & consilium Altissimi irritaverunt.* Et iterum Deus per prophetam: *Locuti sunt adversus me lingua dolosa, & sermonibus odii circumdederunt me, posueruntque adversus me mala pro bonis, & odium pro dilectione mea.* Hinc est quòd Sanctissimus Dominus noster Leo Papa. x in persona Christi, tanquam verus Dei vicarius propriam motus pietate, suamque respectans Ecclesiam, vos filios iniquitatis appellat, & à nullo unquam sacerdote (exceptam saltem mortis horam) absolvendos. Hoc autem verum esse & decretum Apostolicum, & Reverendissimi Colonienſis Archiepiscopi transsumptum longè latèque transfusa declarant. Itemque non in vos duntaxat Obscuros talis fulminatur sententia; sed in omnes perditissimæ vestrae conjurationis conscios; in omnes quoque talium librorum impressores, venditores, lectores, re-

serva-

servatores ; & in eos etiam qui hisce rebus auditis teterrimos illorum auctores suis non produnt iudicibus , nec tam scurriles libellos intra tres dies comburunt. O sententiam Apostolicam , omni laude & honore dignam , cunctisque Christi fidelibus summopere necessariam. Quam certè qui non patitur , cui rei sacratissimæ neminique non fructuosæ ac planè perutili qui resistit , qui oblatrat , qui invidet , qui obluetur , qui non obedit , qui denique impedimento est , aut consiliis aut favore aut factis insipienter renitendo ; degenerem sese Christicolam , & sacræ fidei contemptorem , luce clarius ostendit. Viderint quoque sacerdotes , quâ auctoritate contra Sacrosanctæ Sedis Apostolicæ determinationem , non solum Obscuros , sed & famosarum Epistolarum lectores , venditores , & id genus alios in Brevi Apostolico (ut supra satis clarè in Lamentationibus Obscurorum explicatur) expressos , absolvere audeant. Nemo vestrum plus æquo suæ innitatur prudentiæ. Hinc est quod Chrysostomus ait sermone XII. *Non fidei , sed perfidia , non confidentia est , nimiam in semet ipso habere fiduciam.* Quæ etiam quot præclaros viros , quotque ingenuos adolescentes in causa Reuchlinica deceperit , cogitare poterunt pauci , dicere nemo. Verùm ut eò , unde divertit , nostra nunc revertatur oratio , Quis

(rogo)

(rogo) inferorum , aut quæ tandem cecitas vos coëgit , ut in secundâ vestrarum Epistolarum editione Florentinos ipsos scientiâ & virtute florentes , eosque non aliter quàm ob ingenii & naturæ dotes ita appellatos, Sodomitas diceretis, nec Sodomitas solùm, verùm & nobilissimam eorum civitatem cunctis mundi civitatibus Sodomitis pleniorẽ , tot sacerdoti salutes scribendo , quot sint in Florentiâ Sodomitæ. Verùm hæc pessum eant. Cætera id genus convitia auribus indigna mortalium hoc loco relinquimus. Nunquid igitur satis vobis fuit, Ecclesiã D E I nequiter læsisse , nisi etiam in moderni Pontificis Optimi Maximi , omniumque literis atque linguis celebrandi , dedecus ac contumeliã , tam obscœna de Florentinis , vobis effusa legerentur ? Nonne Summo Pontifici in scenâ & in umbraculis iniquitatum vestrarum parcendum ? An ignoratis Sanctissimum Dominum nostrum Leonem Papam x , à Domino D E O (id quod Sancta fatetur Ecclesia) veluti omnium virtutum exemplar & archetypum , super gentes & regna in terris constitutum , ut evellet , dissipet , & plantet ? Faxit itaque D E U S , ut gravioribus vos censuris Sacrosancta Sedes Apostolica condemnet. Subdolè præterea & ingeniosè satis (ut vestram impudentiam latius persequamur) Imperialem Majestatem nobis semper venerandam

deridetis, quum nullo sit vobis opus Privilegio Venetorum. Cujus etiam mandata à nobis in hunc usque diem semper illæsa, præviis vestris mendaciis, hæresibus quoque & blasphemiiis, neque DEUM timentes neque homines, nimis licenter infregistis. Theologos insuper non modò diversarum Universitatum, verum totius Ecclesiæ lumina, aliosque tam virtute quàm scientiâ præclaros, & specie quodammodo à vobis differentes, vestris dentibus cruentissimè lancinatis, & convitiis insequimini nebulonicis: quorum profectò calceamenti corrigiam, vel omnium judicio, indigni estis solvere. O cæca atque impudens istiusmodi Reuchlinistarum cohors.

Aude aliquid brevibus gyaris & carcere dignum, Si vis esse aliquid. Audaces fortuna juvat; etsi multa audere (ut Menandro placuit) multa aberrare facit. Quid multis? Ex omni namque genere hominum, quos variis vitiis, ingeniosa & ad malum prona irretit improbitas, nullos neque sceleratiores neque odibiles magis esse reor; nec graviore censurâ animadversioneque plectendos, quàm eos ipsos, qui cùm perversæ mentis animique malignantis sint, fingendo tamen id callidè sub fictorum nominum ac cognominum velamento & moliantur & agant, ut synceri pro Christo & integerrimi homines, omni que carentes vitio habeantur. Item quod

quod indignissimum est, aliorum peccata, quæ nihil (ut infra dicemus) ad rem faciunt Capnionis, nec vera dignoscuntur, acerbissimè redarguunt, quibus ipsi præcipuè obnoxii sunt, aliorumque virtutes ac benefacta mali consulunt, suorum penitus scelerum obliti. Persuade tibi, ô Christiane lector, (nam persuadere tutò potes) hos Obscuros Reuchlinistas nocentissimum esse genus hominum, cunctisque flagitiis sceleribusque coopertum; calamitatem, everSIONemque Reip. Christianæ quærentes, nec Summo Pontifici, Patri verè beatissimo, nec exteris etiam nationibus in pessimis quibusque parentes. Elinguis profectò & mutus Cicero esse posset in tam latâ tamque amplâ ac planè execrabili Obscurorum materiâ. Vitiorum quidem apud eos referta sunt omnia, quæ undique facto agmine in nos insontes irruunt, nosque circumstant, premunt, urgent. Animæ autem suæ discriminibus miserrimè jactantur: ut difficile sit in portum sese ab his salutatum appellere. Quibus querar? quos implorem? Nimia meherculè est improborum quorundam (non dico omnium) Reuchlinistarum licentia; tum in Ecclesiæ scandalum, tum in bonorum omnium confusionem, veluti ex equo Trojano catervatim redundantium. Summi, infimi, mediocres prolabuntur. Et Plinio teste. *Multi famam (eisi umbratilem*

ac vanam) pauci conscientiam verentur : quæ tamen (ut Augustinus nobis scriptum reliquit) est mille testes. Verùm enimverò ut vos appellem , citra vestram atque aliorum indignationem ; Quid obsecro vobis profunt convitia , quid inendacia , quid contumeliæ , quid cavillationes , quid ludibria , quid stultæ in cælum irrisiones , quid impiæ tandem hæreses ? Nonne scriptum legimus , Confundantur omnes facientes vana. At mihi quis objecerit ; Facietiarum gratiâ Obscuri talia locuti sunt. Eho , inquam , vir bone , Nunquid irridetur Deus ? aut istiusmodi convitiis Capnion ipse suis exolvitur erroribus ? Bedam audite Venerabilem : *Omnis (inquit) amaritudo , & ira , & indignatio & clamor , & blasphemia , & mala contentio , Spiritus immundi furor est.* Ineptiis certè vestris & mendaci non ferendorum exprobratione Capnionem vestrum (modo conscientiam intueamini) defendere non potestis. Plus illi dedecoris , plus scandali , plus turpitudinis , plus infamiæ quàm laudis aut gloriæ peperistis. Honorare (opinor) voluistis virum bonum : at illum spe vestrâ falsi plus æquo inhonorastis , nullam fortasse gratiam ab eodem recepturi. Nec induci possum , ut credam , talem illum tantumque poëtam vos ad tam insigne tamque infame scribendi facinus concitasse , nisi id ipsum obesse videatur ,

tur, quòd in suis ad nos Epistolis talia nobis futura prædixerit. Ego tamen neque Obscuros vos appello, neque Reuchlinistas: verùm hæc nomina (sive bona illa sint sive mala) vobis ipsis non indecenter imposuistis. Nomina hercle vestra (quantum videre videor) nominibus quadrant. Ille Fumulus appellatur, vos Obscuri: & verè obscuri. Nam tenebræ omnium vestræ (ut cum gratia & honore Capnionis non vestro loquar) totum penè terrarum orbem, infinitis tum erroribus tum mendaciis obumbrarunt. Dicit igitur Propheta: *Vultus Domini super facientes mala, ut perdat de terrâ memoriâ eorum.*

Ad convitia vestrarum Epistolarum revertor, Patres Conscripti, & ad falsas ac planè commentitias in optimos quosque vitiorum exprobrationes; quæ ad vestri Capnionis defensionem prorsus faciunt nihil, nec in oculis sapientum integros lædunt viros, sed universali (proh dolor!) Ecclesiæ indelebilem inurunt maculam. O utinam talia priscis Sanctorum Patrum scripta fuissent temporibus! Non dubium quin vel manus vobis præcisæ, vel lingua confestim eruta, vel guttur laqueo clausum fuisset. Sola vos impunitas degeneres ac malignos facit, quæ, teste Bernardo, est *incuriæ soboles, insolentiæ mater, radix impuditiæ, & omnium transgressionum nutritrix.* At excitabit proculdubio corda Prin-

cipum misericors & omnipotens D E U S ,
 ut rebus omnibus ultrò citroque perspectis ,
 ac ritè cognitis , justitiæ munus (quod sem-
 per optavimus) quàm primum exequantur.
 Nihil est enim tam absurdum , nihil tam
 abominabile , nihil tam impium , nihil tam
 ingratum D E O , quod vestræ (& id quidem
 citra omnem occasionem) non effundant
 Epistolæ. Nescitis temeritatem consilii de-
 fectum esse & imprudentiæ speciem ? secun-
 dum Beatum Thomam Secunda Secundæ.
 Q. xxxv , ar. xxv. c. fi. *Illæ enim temeri-
 tate fiunt , quæ ratione non geruntur. Et
 ideo superbia est filia* , ut ibidem probatur
 Q. LIII. ar. III. Quare obsecro (ò vos de-
 generes poëtæ & filii iniquitatis) tam im-
 piè abutimini gratiâ vobis à D E O datâ ?
 Quid Christo illuditis & ejus Matri ? Quid
 tunicam Domini ? Quid reverendam Petri
 imaginem ? Quid Sacramenta Ecclesiæ ? quid
 sacratissimas Sedis Apostolicæ indulgentias
 deriditis ? Quam potissimum ob causam ,
 nominibus vestris silentio præteritis , aliena
 vobis nomina & nunquam audita excogita-
 stis ? Nonne hi sunt histrionum ac sycophan-
 tarum mores ? Sunt profectò , & nebulonum
 vafriiis longè deteriores. Quare (inquam)
 doctissimos & sapientissimos Ecclesiæ Docto-
 res prosequimini ? Quare talpati oculatos
 contemnitis ? quare iniquitatem fovetis ? qua-

re injustitiæ & malitiæ patrociniâmini? An Capnionem hisce vestris lenociniis in causâ fidei defendendum suscepistis? O stulti & insensati, *Audite* (clamat Esaias) *verbum Domini, Principes Sodomorum, auribus percipite legem Dei vestri, populus Gomorra. Filios* (inquit) *enutrivisti & exaltavi: ipsi autem spreverunt me.* Væ etiam vobis falsariis, qui nostra Epitaphia, & laudabilem aliorum doctrinam pervertentes, illorum loco rythmos ponitis impurissimos, commissioque per vos crimine falsi, nequam editis prognostica. mihi illa infanti & immerito, ad multorum Principum, Civitatum, Optimorumque virorum offensionem ac faceræ Astronomiæ irrisionem, non incruentè adscribentes. Commisso (inquam) per vos crimine falsi (id quod secundum leges sacratissimas semper pœnam capitis importat) famosissimos editis libellos, Sacrosanctæ Sedis Apostolicæ, Cæsareæque Majestatis auctoritatem absque omni Conscientiæ scrupulo, utrobique infringentes. Propterea idem propheta exclamat: *Væ genti peccatrici, populo gravi iniquitate, semini nequam, filiis sceleratis.* O quanto temporum intervallo Divus Esaias hæc futura prævidit. *Dereliquerunt* (inquit) *Domini, blasphemaverunt Sanctum Israel, ab alienati sunt retrorsum.* Si res vestras mentis oculo intueri volueritis, argentum certè

vestrum mutatum est in scoriam , & vinum non (ut ille ait) aqua mixtum , sed in foetidissimam maledicendi mentiendi & blasphemandi sentinam commutatum. Ridetis scio , nec mirum. Scriptum est enim , *Latantur cum malefecerint & exultant in rebus pessimis* . Et Pythagorâ teste , *Sues libentius in cano quàm in fonte versantur* . Ridetis , inquam , at risus profectò vester in luctum commutabitur , & nisi subitanèa morte (quod D E U S avertat) præoccupati fueritis , illam proculdubio vivetis horam , in qua serâ ducti pœnitudine , vestrae vos iniquitatis pœnitebit. Est enim in ore omnium , *Serò sapient Phryges* . Nobis profectò (à quibus nunquam offensi estis) indignè & immeritò illuditis : at D E U S ipse non irridetur. Dicit itaque cum propheta , *Gens absque consilio , utinam saperent & intelligerent , ac novissima praeviderent* . Hæc profectò nemini nostrum legitimè possunt objici , quum similia ediderimus nunquam. Eò nunc calamitatis (heu nos infelices) est processum in Ecclesiâ D E I , ut ora ferè omnium (proh pudor ! nefas est dicere) Ethnicorum magis quàm Christianorum sententiis abundant. Pluris Poëtas facitis , quàm Sacros Ecclesiæ Doctores , & in solâ verborum pompâ omnem vestrae beatitudinis gloriam collocatis. Hinc in publicis tum declamationibus , tum Orationibus , nomen

Iesu.

Iesu Christi invocare ridiculum vobis esse videtur. Hinc Evangelia in reprobum exponitis sensum, & omni tum vultus, tum animi depositâ gravitate, irrefragabilem Sacrarum-Literarum auctoritatem obumbratis. *Vae itaque vobis* (Esaïas ait) *qui dicitis malum bonum, & bonum malum; ponentes tenebras lucem, & lucem tenebras; ponentes amarum in dulce, & dulce in amarum; trahentes iniquitatem in funiculis vanitatis vestrae. Vae qui sapientes estis in oculis vestris, & coram vobismet ipsis prudentes.* Quis vobis fidei causam commisit? Quis verbo vos offendit? Nemo hercle, nemo. Nostris certè Theologis Hæresium extirpandarum munus, à S I X T O P A P A I V (ut in vestris supra Lamentationibus patet) peculiariter est commissum. Irascimini ergo & nolite peccare. Scabant muli mulos & sanguinem innocentum non eliciant. His moribus, his convitiis, his certè mendaciis & contumeliis Capnion ipse, amicos sibi habere non potest, videtur inimicos velle.

Irrisiones præterea vestrae nihil ad Reuchlinicam faciunt contentionem. Si vobis aut aliis qui nobis adversantur, peccata ex probare, & falsissima quæque offundere vellemus, non deesset nobis fortasse scribendi materia: sed hoc histrionum est & muliercularum, non bonorum neque sapientum. Propterea Do-

etissimus ille Erasmus Roterodamus Theologorum disertissimus, & non vulgari dignus honore, vos obscuros Reuchlinistas tanquam pestem quandam detestatur, doletque ac planè ingemiscit, sese in vestris Epistolis à vobis esse commendatum. Eequid mirum? Laudes enim obscurorum sordes sunt non præconia; nec est sub orbe lunari tam perversæ mentis homo, qui vel merita laudis aut vitæ innocenter actæ testem ab obscuris petat. Est & alius Ecclesiæ Prælatus Chaldaicæ apud nos literaturæ peritus, qui licet Capnioni bene velit, severissimis tamen vos insequitur carminibus: Itemque Richardus ipse, cognomento Sbrulius, poëta & orator non vulgaris, in suâ Chrysochari Trebericâ ad pientissimum Trevirorum Præsulem, sapientissimè vos & redarguit & castigat. Malumus igitur à vobis abjectæ sortis hominibus vituperari quàm laudari. Nam teste Aulo Gellio lib. vi. Noct. Att. *Qui maledicit & vituperat, fidem non sapit.* Itemque nec valde gaudere debemus (ut Augustino placuit ad Volusianum) quando vituperamur. Quia nec depravare injuria, nec coronare potest laus aliena. Hinc Seneca de remediis fortuitorum nos optimè consolatur: *Malè (inquit) de te opinantur homines, sed mali. Moverer, si de me Marius, si Lælius sapiens, si alter Cato; si Scipiones dico.* Et mox adjicit: *Moverer, si hoc judi-*

dicio facerent , quod nunc morbo faciunt.
Quod autem vos (ut ad alia progrediamur)
movere posset aut dictum aut factum , quos
non puduerit , palam cunctis legentibus, om-
nium ferè criminum sordem (stuprorum
præsertim & Sodomix) de vobis ipsis consi-
teri. Nolite itaque in vestris ad me Epistolis
parentum mihi meorum conditionem aut
statum exprobrare. Patre natus sum Frederi-
co de Graes in Diœcesi Monasteriensi , prope
Cosfeldiam habitante & adhuc superstite, cum
sororibus meis & amicis: id quod non summis
modò in Coloniâ viris, verùm & Clarissimo
Illustrissimoque Principi, ac Reverendissimo
Ecclesiæ Monasteriensis pontifici Erico, satis
superque constat , veluti liber de Westphaliæ
laudibus , eidem à nobis ante aliquot annos
reverenter nuncupato , longè copiosius con-
tinetur. Me autem Daventriensem cognomi-
natum, nemo prorsus admiretur. Fui enim in
tenerâ primum ætate (& id quidem matre
mea Gertrude citra inhonestatem defuncta)
Daventriam à Patre ad fratrem missus , ubi
maiores nostri , & patricii semper & senato-
res fuere , ut sub Alexandro Hegio illic tunc
Gymnasiarcha, Græcè quidem ac Latinè eru-
dito, bonas literas puer non ignorarem. Qua-
propter in Westphalorum laudem tale ad
memoratum Principem cecinimus Tetra-
stichon.

Westphalus in cunctis solers, atque ore modestus,

Vividus ingenio, religionē sacer.

Nobilis officio, nulli probitate secundus,

Illustrans orbem, conjuge, prole, domo.

Hæc obiter dicta sunt, quæ etiam si omiſſa forent, Capnioni tamen prodeſſent nihil. Induantur itaque, qui detrahunt mihi, pudore; & induantur ſicut diploide confuſione ſua. *Confitebor domino nimis in ore meo, & in medio multorum laudabo eum, Qui adſtitit à dextris pauperis, ut ſalvum faceret à perſequentibus animam meam.* Aliud eſt enim de hæreſi, aliud de vitiis humanis contendere. Aliud quoque blaſphemare DEUM, aliud hominibus (etiam immerito) illudere. Non patiuntur Theologi, Salvatoris noſtri humanitatem habitui comparari meretricio, ipſumque ut ſimplicem hominem & ſervum, non ut DEUM à Iudæis interemptum. Itemque non poſſe ſatis ex Novo probari Teſtamento Chriſtum Salvatorem noſtrum (ut in Georgii dialogo habetur) verum fuiſſe DEUM. Hæc & alia id genus multa, longeque deteriora, boni ne an mali conſulenda ſint, ſacraſiſſimis Theologiæ Doctõribus, non obſcuris halophantis diſcutiendum relinquo. Quapropter Apologiam nuper edidit reverendus Hæreticæ pravitatis Inquiſitor, omni dignus ho-

nore frater Iacobus Hoechstraten, in qua luce clarius patescit, quàm sanctè nobiscum & quàm piè, citraque omnem (ni fallax) malitiam in Ecclesiâ DEI vester Capnion ambulaverit. Quantam autem mihi fecerit injuriam, me Christi sacerdotem licet immeritum, & philodæmonem in falsâ suâ defensione & hæresiarcham appellando, pauci ignorant. Plenus (ut opinor) furiarum & rectæ rationis oblitus; me talem esse vulpinatus est, nullam penitus aliam rationem habens, quàm quòd hoc genitivo Iovis, in bonam (vel ipsius maximè exemplo) usus fuerim significationem. O magnum Theologum! O poëtam insignem! Quis hoc non videbit cavillum? quis non potius improbet ac planè detestetur? Cæterum hæc ridicula Capnionis subtilitas, in præfata Inquisitoris Apologia, satis superque retunditur, & in Boccatio lib. 2. de Genealogia Deorum; itemque in Augustino lib. 11. de civit. DEI c. XIII. & Confess. lib. 1. de poëtis multisque aliis in locis, quæ hic, ne Capnionem nostrum lethàliter offendant, libenter omittimus. Atqui, ne quod primum puto, hîc silentio præteream. Neque Capnionem vestrum, neque Reuchlinistas omnes, neque verorum quemquam poëtarum, nostris hisce literis offendi indifferenter volumus. Ut enim duplices sunt Reuchlinistæ, ita nec ejusdem ingenii Poëtæ omnes. Alii enim boni sunt.

sunt, alii mali, nec mali quidem in oculis meis, ni Sedes ipsa Apostolica, ac boni denique omnes, tam obscuros tamque degeneres poëtas, & leve hominum genus & filios iniquitatis appellarent. Habet profectò Ioannes Reuchlin (ut de bonis loquar) viros nobiles, doctos, eruditos & eloquentes, sui amantissimos, quorum etiam nonnulli, aperto Marte (id quod detestari non possumus) in pugnam congregiuntur. Habet præterea ingenuos pro se Adolescentes, & studiosos aliquot bonarum artium (ut audio) professores, quos certè (modò iustitiæ & veritati adhærescant) unicè omnes & colimus & veneramur. Tum quòd de his magna Christo spes sit & laudis & gloriæ: Tum quòd generosus animus, & honestis imbutus disciplinis Christi sponsam, hæreticis fœdari pravitatibus, non patiatur. De his certè viris bonis, optimisque adoloescentibus loquimur nihil. Nam si falsissimis (ut cum gratia loquar) Reuchlini defensionibus, seu potius offensionibus abjectis, verissima Theologorum scripta, & maximè, quæ intra dies octo, per reverendum Inquisitorem hoc anno sunt edita; non solum legere, verum iusta lance, & ad unguem (ut dicitur) citra cœci favoris dissimulationem examinare dignarentur, suo (ut opinor) Capnione deserto, nobis proculdubio adhærent.

Obscuros

Obscuros igitur solum Reuchlinistas , Evangelicæ charitatis transgressores , polylogos quoque & naturâ nimimè cicures, non absque nostri moderatione insectamur, dignos profectò quos sapiens poëtarum chorus , nobilissimorumque virorum confessus velut degeneres, ac perditissimum genus hominum perpetuò detestetur. Qui dum manifesta phrenesi ac furiis (nescio quibus) unà cum suo Capnione correpti, almæ atque laudabilis nostræ Universitatis doctores infamare conantur, cimmeriis involuti tenebris , omni-que morum depositâ gravitate , nequissimos sese(modò veritas ipsa locum habere poterit) halophantas ac nebulones ostendunt. Quippe quod nec periculosius alicubi erratur, nec pejus aliquid inquiritur , nec quid impium magis inveniri potest , quàm ubi Christo ac Sanctis ejus illuditur, & Ecclesiæ Doctores contem-
nuntur. Quapropter Sanctus Paulus ad Corinthios primæ Cap. II. *Animalis* (inquit) *homo non percipit ea quæ sunt Spiritus Dei.*

Cæterum quum ad vestrum scelus ac nequitiam parum aut nihil (ut Sacro-Sancta Sedes Apostolica testatur) addi possit , vos detestentur omnes necesse est. Satis enim exporrecti sumus in tuendâ Ecclesiæ bonarum-que artium republ. licet cruentissimos vestræ temeritatis ac stultitiæ dentes evitare non possimus ; Audacia tamen vestra non vincet studia

studia nostra. Gymnasium certè hoc est, Sacrae Theologiae & bonis artibus admodum accommodatum. Hic sacrorum Canonum, Iuris-que Civilis majestas, Hic Hippocrates, Aesculapius & Galenus scholas habent. Sunt quoque apud nos egregia scholasticorum conventicula, sunt doctissimorum virorum chori, sunt diversarum linguarum disertissimi interpretes, in quibus mira scientiarum varietas & immensa doctrinarum viget foecunditas. Hic Ducum Comitumque illustriissimorum non vulgaris eruditio: Hic profundissimi Sacrae & Theologiae veritatis Professores; Hic Clarissimi utriusque Iuris Interpretes. Hic salutaris Medicinae Doctores expertissimi. Hic acutissimi liberalium (quas vocant) artium Magistri. Adsunt & alii in omnibus ferè disciplinis eminentissimi, penes quos nihil simulatum, nihil fictum, nihil leve, nihil non admirandum. Tantâ fulgent hi omnes constantiâ & virtutè, ut eorum tacita gravitas & fides de unoquoque loquatur, neque cujusquam ornamenta orationis expectet. Omnes maximi animi, summi consilii singularisque prudentiae viri: ita etiam, ut S i x t u s Papa i v. nostrae Universitatis gloriam, solidissimamque omnium integritatem animadvertens, nostris præcipuè Doctoribus, omnem Hæreseos per Alemaniam iniquitatem extirpandam demandarit: hoc autem ita esse

supra:

m

wtu

x + + x

supra in Lamentationibus patet. Quare felix admodum ipsa Colonia est, cum tales habeat viros, quales majores nostri priscis temporibus summa veneratione profecuti fuissent. Nolunt itaque Obscuris Reuchlinistis subesse, qui magnis etiam viris præesse consueverunt. Nolunt vinci, qui victrices fidei aquilas manu premunt. Troës sunt. Omnia sine Theseo operantur & suum tandem Romani Hannibalem habent.

Nunc autem (si ita libet) reverendos nostræ Universitatis Theologos intueamur. Sapientissimi quippe viri sunt, nec in aliquo taxandi. Nam pro Christo Iesu duntaxat & Catholicâ fide, ab Hæreticis, proh dolor! jam diu satis impugnata; contraque Ioannem Reuchlin, ejusque intolerabiles (ut ajunt) errores, nimium (proh pudor) nimiumque (ut dixi) Ecclesiæ Dei, bonorumque omnium, & quatuor inprimis Clârissimarum Universitatum sentimento repugnantes, velut invicti, & Ecclesiæ totius & Apostolicæ tandem Sedis. athletæ, ad sanguinem usque decertant. Non equidem vi aliqua, non dolo, non invidiâ, non malignâ intentione, non malo corde, non sinistra quavis circumventionem (ita nos Deus adjuvet & omnes Sancti ejus) sed nimiâ patientiâ nimiâque sui moderatione, consilio etiam & auctoritate, ac sapientiâ potissimum, ducunt cuncta prosequentes. Hoc autem.

autem qui credere recusarit , Theologorum perlustret libros , & me, dicto citius, verum dixisse proclamabit, nec alterâ (ut dici solet) parte inauditâ , stultam proferat sententiam; vel ob hoc solum , quòd Centum Ecclesiæ Doctoribus , longè magis quàm uni viro , in secularibus duntaxat libris erudito , aut abjectæ sortis hominibus (quos Obscuros appellitant) sit credendum. Nec est inquam quod sacratissimam Prædicatorii ordinis Religionem citra injuriam ac perditionem animarum vestrarum contemnere valeatis. Utinam vobis siue viventibus siue morientibus , tum matutinæ illorum , tum vespertinæ tum nocturnæ etiam preces , & hæ quidem ab omni labe omnique vitiorum contagione immunes, suffragari vel in minimo possent. longè profectò melius longèque salubrius (si verum fateri licet) res vestræ sese haberent.

Ululate igitur in tenebris , vos Obscuri & degeneres Reuchlinistæ , quia prope est dies Domini , & vastitas à Domino veniet. *Adhuc enim paululum modicumque & consummabitur indignatio mea & furor meus,* dicit Dominus omnipotens . *Lavamini, mundi estote, auferte malum cogitationum vestrarum. Quiescite perversè agere. discite bene facere, ne retributio manuum vestrarum fiat vobis. Abjicite opera tenebrarum,*

induimini armalucis, ut in die honestè ambulare possitis. Non est enim putandum omnia vobis licere, nisi & recta & iusta & aperta sint, ut rex Antigonus cuidam respondisse fertur: Barbarorum regibus omnia licere, nobis duntaxat, quæ iusta & honesta videantur.

Accendamus ergo lumen nostræ mentis & in nostri muneris erga Deum administratione omnia prudenter maturèque agamus. Nemo vestrùm (Apostolo teste) gratiam Dei in vacuum recipiat. Ecce nunc tempus acceptabile, ecce nunc dies salutis, nemini dantes ullam offensionem, ut non vituperetur ministerium nostrum. Exhibeamus nosmetipsos in omnibus sicut Dei ministros in suavitate, in Spiritu Sancto, in charitate non fictâ, in verbo veritatis, in virtute Dei. Non enim vel ad ludum à naturâ, vel ad jocum geniti sumus; sed ad studia quædam majora atque graviora, quæ in humilitate & mansuetudine spiritus non obscurè continentur. Si uno duntaxat epigrammate Capnionem nostrum offendimus, non plus ego, quàm reliqui diversarum Universitatum Doctores offenderunt. Nam ut supra diximus, aliud est de hæresi Sanctè & justè; aliud de vitiis humanis (quæ nihil ad rem faciunt, & falso à vobis excogitata sunt) plus æquò contempnere. *Quarite Dominum dum inveniri*

niri potest, invocare eum dum prope est. De-
 relinquat impius viam suam, & vir ini-
 quus cogitationes suas, & revertatur ad
 Dominum, & miserebitur ejus, & ad
 Deum nostrum, quoniam milesus est ad
 ignoscendum. Hæc Esaias.

Rogamus itaque vos & obsecramus in
 Domino Iesu, qui nos redemit pretioso suo
 sanguine, nec quicquam contumeliarum à
 vobis est meritus, ut quemadmodum ac-
 cepistis à Sancto. Paulo Gentium Doctore,
 quomodo vos oporteat ambulare & placere
 Deo, sic & ambuletis. Est enim voluntas
 Dei sanctificatio vestra, ut sciat unusquis-
 que vestrum suum vas possidere in sancti-
 ficatione & honore. Non autem in passione
 desiderii sicut & gentes quæ ignorant Deum.
 Rationem certè Paulus adjicit non vulga-
 rem, Vocavit nos (inquit) Deus non in im-
 munditiam (quâ vos supra quàm cuiquam
 credibile est, delibuti estis) sed in sanctifi-
 cationem, quâ non modò nostri, verùm &
 aliarum Universitatum Doctores omnium
 primi, & vivæ virtutum imagines, contra
 manifestam multorum. falsitatem Christo
 duce intrepidè constanterque militantes ita
 inuncti sunt, ut neque Cæpnionis vestri (quæ
 nullæ sunt) neque vestras (quæ minoris ha-
 bentur) contumelias, in aliquo pertimescant.
 Et ne illud præteream. Non est per Deum
 immor-

immortalem invidiæ causa quam agimus , ut vos falsò & insipienter in præposterâ Capnionis vestri defensione vulpinamini , sed fidei duntaxat sacræ , quam pravis taminare erroribus non Christiani est hominis , sed dissoluti potius & impuri. Itemque nemo nostrûm Ioannem Reuchlin , virum Catholicum & insignem Poëtam , hæreticum esse dixit , ut complures vestrum mentiti sunt : at scripta ejus (citra tamen viri contumeliam , ut in sententiâ ab alio quodam Inquisitore Colonizæ pro tribunali latâ ac deinde impressâ luce clarius patet) hæresim sapere declararunt.

Quod autem causa utrimque nostra non sit invidiæ sed fidei , vel ex hoc solo probari potest , quòd ante publicam Ocularis Speculi editionem , nulla nobis unquam fuerit cum Phorcensi Capnione contentio. Quid igitur iniquius est (dicit Leo Papa , & habetur x x i v . q . i i i . Quid autem) quàm iniqua sapere ? Et continuò de obscuris ; In hanc (inquit) insipientiam cadunt , quicumque ad cognoscendam veritatem , aliquo impediuntur obscuro & non ad propheticas voces , Apostolicas literas , Evangelicas auctoritates sed ad semet ipsos recurrunt. Et ideo magistri erroris existunt , qui veritatis discipuli non fuerunt. Hæc ibi.

Hanc ob rem legite obsecro eodem diligentiæ

gentiæ ac pietatis oculo Theologorum scripta, quo Reuchlinica legere consuevistis, ne rerum omnium ultro citroque actarum rudes, contumeliosam Christo bonisque omnibus scandalosam proferatis sententiam. Quippe non omnis ignorans immunis est à pœnâ. Ille enim ignorans potest excusari à pœnâ, qui (ut Augustinus vult in libro quæstionum, & habetur x x x v i i. cap. ult.) quod disceret, non invenit. Illis autem ignosci non poterit, qui à quo discerent habentes, operam non dederunt. Hæc omnia divus ille Cyprianus, per verba Pauli Apostoli (quæ habentur dist. viii Consuetudo) pulcherrimè subscribit. Et Aristot. quoque lib. i i Rhetor. Turpè putat ignorare quod omnibus scire conveniat.

Hinc est, quod Hieronymus habet in Originali super Amos, & maximè contra eos, qui affectato excoecati favore veritatem audire contemnunt. Quicumque (ait) vel consanguinitate, vel amicitia, vel è converso hostili odio, vel inimicitis judicando ducitur, pervertit judicium Dei Christi, qui est justitia. Postremò autem, si in fermento malitiæ & nequitiae, hoc est, vestra malitia (quæ secundum Ambrosium in Hexameron) est mentis atque animi depravatio, quæque fallax est nocendi ratio, ut magnus ille Cicero libro 3. de natura Deorum testatur, impudenter (quod absit) perseverare volueritis, animam

mam profectò vestram occidendo unà cum rege vestro (quemadmodum Regum primo, cap. x x i i . & Sapient. cap. x v i prisci nobis scriptum reliquere) actutum peribitis, vosque serò resipuisse Phrygum more lamentabimini. Nam *qui justificat impium* (ut habetur Proverb. x v i i .) *& justum condemnat, uterque abominabilis est apud Deum.* Itemque si videntes videre, si audientes audire, si intelligentes intelligere, & profanis denique auctoribus Sacros Ecclesiæ Doctores anteponeere nolueritis, maledicti eritis, ut habetur x i . Q. i i i .) apud Deum & homines, & increpatione tandem severissima corripimini. Eritque Deus judex inter vos & nos in extremo judicii die. Qui licet gradu lento (ut est apud Valerium Maximum lib. i . de neglectâ religione) ad vindictam sui procedat; supplicii tamen dilationem intolerabili quadam gravitate compensabit

Si autem vel Capnion ipse, vel vos Obscuro & Theologis nostris, & mihi denique Ortwinio indignari abs re volueritis, memores Apostolorum erimus, qui ibant gaudentes à conspectu Concilii, quoniam digni erant pro Iesu Christo contumeliam pati. Nos igitur ut libet persequimini & mendaciorum describite atramento, vestri tamen erit tum officii, tum humanitatis non ignorare, vos unà omnes tam scribendo quàm
offen-

offendendo primos semper fuisse. Nec est quod mihi quis de Manuali Speculo Ioannis Pepericorni Neophyti (hominis profecto Christiani & viri boni) quicquam objiciat, quum anno Domini M. c' c' c' c. x i. Coloniâ annum absens, in superiore illud Alemania nobis ignorantibus composuerit. Sitque Moguntia (ut ipsemet Capnion in sua defensione, folio x i x, facie secundâ lucidissimè profitetur) per chalcographum illis habitantem nundinis Aprilibus impressum. Naturali itaque jure tanquam firmissimis quibusdam anchoris, & intolerabilibus sæpentermero laceßiti injuriis, non indecenter pro nostrâ parvitate citra cujuscunque indignationem respondimus. Vocamusque Deum in testem & omnes Sanctos nostræ conscios innocentia, nec Deum modò & Sanctos ejus; verum & optimos quosque Christi Dei amatores, qui nos piam justamque habuisse causam perpetuò testabuntur.

Modò autem si quis scire voluerit, quam potissimum ob causam Capnioni non adhærescam, quum tamen politiores literas in alma Universitate Coloniensi compluribus annis professus sim, Respondeo me non Capnioni sed præceptoribus meis, fidei ac sinceritatis juramentum præstitisse. Ego datam servabo fidem, neque hinc mihi quicquam turpitudinis accrescet, etiam si me tota deglubat

Obscu-

Obscurorum cohors. Cæteri quid agant contueantur.

Quid multis? Cessate obsecro (ô vos Obscuro) viros bonos petulantissima confectari lingua. Cessate morbo procacitatis vestro uti. Nolite unumquemque moribus vestris æstimare. Desinite Capnionem (virum aliqui doctum & præstantem) vestris contumeliis obumbrare. Deponite fastum, superbiam, temeritatem, arrogantiam, & reliquas animæ pestes. Immundicia, turpitudine, stultiloquium, scurrilitas haud nominetur in vobis. Nemo vos vel commentitiis defensionibus vel inanibus seducat verbis, propter quæ (ut Paulo placet Apostolo) ira Dei in filios venit diffidentia, quorum participes esse non debetis. Audivi vos Palinodiam in Lamentationibus vestris à nobis jampridem editis atque confectis decantasse, & benè quidem. Eratis enim tenebræ (idem ad Philippens. ait) nunc autem lux in Domino. Ut filii lucis ambulate, cujus fructus est in omni bonitate, justitiâ & veritate. Valete in Christo Iesu Domino nostro. Coloniae ex felici nostrâ Academia, Anno M. ccccc. xviii. sexto Idus Martias.

Sapphicum ejusdem Ortwinii
hunc suum libellum contra Ob-
scuros alloquentis.

MOrdeat te livor edax libelle,
Et theonino lacerere morſu
Qui levi venis pretio, laresque
Linqvis amicos.

Inſolens recti fugiat decorem
Capniomastix nihil hinc revellat
Exul hic mentis, vel iners Minervæ
Sibila muſſet.

Expuat quamvis rabidum furorem,
Ora diſtorquens ſcleratus erro,
Et lacer ſævo jaculetur auſu,
Fulmen inerme:

Te tamen nullum facinus libelle
Territet, quòd tu vereare miſſus
Sedibus noſtris: tua ſummus optat
Dona Sacerdos.

Barbarum parvi facies popellum,
Et gregem hircosum, lacerasque turbas,
Quæ viros nunquam pietate claros
Laudibus ornant.

Hos rudes turpis docuit Celeno,
Putrido ventris taminare fluxu,
Omne quod Chriſti titulos decuſque
Nobile ſervat.

Quo sacrae tandem Sophiæ Magistris
Te pium præstes, & Apostolorum
Gratiam sumas, venerare summi
Numen Olympi.

Cui velim dicas, tuus hæc decenter
Gratius scribens, petit ut beatam
Nestoris vitam Phrygiique degat
Secula Vatis.

Sequitur Epiodium quod au-
ctore eodem Coloniae in Eccle-
sia Prædicatorum, ad Gerhardi
Zutphaniensis Theologi, virique
(dum vixit) clarissimi sepul-
chrum dependens in epistolis
Obscurorum Reuchlinistarum
nequiter est immutatum.

HOC quicumque vides saxum subsiste
viator,

Et subito largis fletibus ora fluant.

Urbis Agrippinae casum, lamentaque noscat
Orbis; & insurgant postera secla queri.

Occidit ante diem fati crudelibus ausis

Doctores, in hac quondam maximus urbe
Sophos.

Reliquias summi brevis hæc capit urna Ma-
gistri,

Cujus ad interitum sacra Minerva gemit.
Gerhardo huic nomen, & huc Zutphania misit
Dives opum patriâ, sicque Sycamber erat.
Huic simul ingenium fervens, sublime, profundum;

Majus Ulyssæo Dedalioque fuit.
Ignea vis etiam, pleno cui Copia cornu
Optima de multis, vel mage cuncta dedit.
Aurea cœlesti tulit hinc propagine mala,
Non ager hesperidum, quæ nec hymetus
habet.

Cespitem de vivo violas, menthamque cro-
cumque,

Legit, & aureolis, lilia mista rosis.
Dulcissimumque satur divini nectare roris,
Theologos inter lumen honorque fuit.
Multiplices rerum formas, abstrusaque novit
Condita naturæ, cœlicolisque Deis.
Consultos inter Iuris Legumque Peritos,
Cordatum gessit doctiloquumque virum.
Pro Christi grege sollicitus, vigilantior
Argo;

Et Capitolinæ maximus ædis honos.
Libera mens rectique tenax, & nescia falsi,
Virtutum cunctas accumulavit opes.
Hic igitur notus, croceo quo Phœbus ab ortu
Surgit, & occiduas pronus ubi intrat aquas.
Hujus & (ut digeum est) manet, æternum-
que manebit

Gloria, victuro perpetuata die.

Non

Non tamen hinc abeat quisquam, quin poplite flexo

Pro Doctore pias fundat ad astra preces.

In perfidos Iudæos Epigramma ejusdem.

IMpia gens hominum, gens ferrea, gens malè sperans

Tendit ad obscuros, tartara nigra, lacus.

Omnia vincuntur manibus; sic marmora ferro,
Saxaque de facili sæpe cavantur aquâ.

Sanguine mollescit adamas, glacialia Phœbo
Frigora, & à Phœbo solvitur omne gelu.

Monstra quot Alcides domuit? quot carmine
manes

Thraïcius Orpheus movit? & ore feras?
Saxa quot Amphion? quot Methymnæus
Arion

Delphines? Thamiras quot miser ipse
Deas?

Nullo hæc mutaripoterit gens improbaverbo;
Improba quæ verè est, trux, scelerata, rapax:
Lucifuga, inconstans, nullo mutabilis ævo,
Deucalionicâ vix renovanda manu.

Hæc nive frigidior, vel saxo durior omni,
Nec minus Hyrcanâ tygride sæva latet.

Hoc scelus indignum gelido sub corde volutat,

Et crudelis alit pectora cœca furor.

Aliud in Iudæos.

C Rescit honor Christi, gaudent pia numi-
 na cœlo ,
 Et Iovis ætherei gaudia mater habet.
 Exultant superi , cœlum lætatur, & omnis
 Angelicus decimo gaudet in orbe chorus.
 Gaudia mortales agitant , nova gaudia mun-
 dus
 Suscipit, & læto scandit ad astra gradu.
 Nam Solymi , genus infelix, semenque nefan-
 dum ,
 Turpia nunc tepidis fletibus ora rigant.
 Post lachrymas fundunt gelido de pectore
 questus ,
 Et furor immitis languida corda fover.
 Plumbeus in vultu color est , sunt lumina
 cœca ;
 Aggravat ingratus segnia membra do-
 lor.
 Quid mirum? cecidère omnes , vïctique re-
 pugnant
 Artibus incultis femineâque manu.
 Non Latio , non hostili , non denique nostro
 Sed recutita suo concidit ense cohors.
 Hoc opus à multis agitur , qui tecta malo-
 rum,
 Sacrilegumque simul deseruère genus.

Errores Obscurorum Virorum qui se Reuchlinistas esse gloriantur.

IN primâ Epistolâ primi operis & primæ editionis & in aliis aliquot subsequenti-
bus, Ecclesiæ Doctores perfidis comparant
Iudæis: In Spiritum Sanctum, in Beatum
Petrum, in modernum Pontificem, in ejus
censuras Ecclesiasticas, in Reverendissimos
Cardinales, in auditores rotæ, in Divum
Hieronymum, quod scilicet non sit de Stylo
Evangelii, & in Indulgentias Apostolicas
turpissima ac mendacissima quæque expue-
runt.

In XIII Epistolâ primi operis blasphe-
mant in Spiritum Sanctum, & hoc in ma-
teria luxuriæ. Abutuntur deinde Sacris Lite-
ris, & quæ Ecclesiâ attribuit Beatæ Virgi-
ni, ipsi suis adaptant meretricibus. Scri-
bunt quoque turpem amorem esse charita-
tem, concludentes DEUM amorem esse
luxuriosum. Taceo sexcenta mendacia in bo-
nos viros effusa, quæ hoc loco enumerari
non possunt.

Gloriantur etiam se crucem facere solitos
ex stercore humano ad domos suarum me-
reticum, quod quam turpes ac scandalosum,
nemo omnium ignorat.

In *xxii* Epistolâ & in subsequentibus jocantur cum gloria Domini nostri Iesu Christi & ejus resurrectione. Scribunt præterea, tunicam Salvatoris nostri, quæ est apud Treviros, antiquam & pediculosam esse vestem. Tres etiâ Reges Beatissimos, tres dicunt esse Rusticos ex Westphaliâ. Merdant super Indulgentias Apostolicas, & Fortalitium fidei, librum Ecclesiæ utilissimum, penitus detestantur.

In *xxvii* Epistolâ Deum blasphemando, dicunt Matthæi *xii* (id quod impossibile est) scriptum esse & in Sacris Literis contineri, quomodo Iupiter stupraverit Calistionem & Europam virgines, tam turpiter Sancta Dei Evangelia vilipendendo, & Sacra Scriptura (id quod histriones non facerent) perditissimè abutendo. Cadmum quoque adulterum, regem olim Thebarum, & Bacchum omnis nequitiae atque impudentiae Deum Christo Salvatori nostro impiissimè comparant : Semelen insuper Iovis meretricem & Bacchi matrem dicunt significare Beatam Virginem Mariam, ut Iudæorum more huic illuderent : item non erubescunt in eadem Epistolâ scandalosè scribere, Piramum (de quo est in fabulis poëtarum) amentem prorsus hominem, significare Filium Dei, & Thisben quæ seipsam interemit turpi amore corrupta, animam designare humanam.

nam, idque (quod est omnium pessimum) scriptum esse mentiuntur Lucæ I I.

In xxviii Epistolâ abutuntur per derisionem sententiis Evangelicis. In xxix fit sacrilega enarratio de ascensione Domini, & extremo iudicio: & illusio quædam Apostolis ac Divæ Virgini. In xxx mentiuntur Sanctissimum Dominum nostrum LEONEM Papam X indulgentias dedisse in rebus inutilibus, scandalosè simul Sanctum Bonaventuram deridendo.

In xxxiv inter alia mendacia ridiculè loquuntur de aquâ & sale benedictis, quibus tamen Sancta Mater Ecclesiâ utitur in pueris baptizandis. In xxxv effunduntur ea, quæ nemo histrionum dicere auderet in prostibulo.

In xxxvi ridiculè etiam in sacrum loquentes Baptisma mentiuntur clarissimos Erphordensis studii Doctores determinasse, quòd Iudæo baptizato iterum renascatur præputium,

In ultimâ Epistolâ primi operis & primæ editionis omni iniquitate plenâ, scribit unus de numero Obscurorum Reuchlinistarum, se fuisse crinizatum ad pudenda sua à quodam Monacho, & alia quædam Sodomitica nefanda auditu; & pro quibus debetur pœna ignis. Postremò idem ille nebulo Reuchlinista, nos rythmaticè ac ridiculè orare do-

cet per nomen Iesu Christi ac beatos Evangelistas.

Prætereo errores alios & infinita mendacia, quibus viros bonos diffamare conati sunt, ut Capnioni suo holocaustum offerre, & Oculari ipsius Speculo ab aliquot Universitatibus ad ignem condemnato, alludere videantur. Quas obsecro putamus in eorum additionibus nequitias contineri, & in aliis etiam Epistolis, à primis (de quibus modo mentionem fecimus) longè differentes.

Quòd si illi sunt de numero Obscurorum, quos ipsi in secundo suarum Epistolarum volumine apertè nominarunt. *Rarò quippe boni numero vix sunt totidem, quot Thebarum porta vel Divitis ostia Nili.* Dolcant itaque & ingemiscant tam pestiferi ac planè spurcidici Reuchlinistæ, qui neque Deum timentes neque homines, optimos quosque suis convitiis ac mendaciorum sordibus deturpare voluerunt. At quid tantum de Obscuris, quibus nunquam credendum erit, etiam si nova moliantur. quibus inquam novæ indies à Sede Apostolicâ maledictiones incumbunt, vel ob hoc maximè quod turpissima etiam in Florentinos effudére; quasi parum fuisset ineptire, nisi & Summo Pontifici implicitè illuderent. Non igitur à bonis aut sapientibus Poëtis, sed à pessimis quibusque nebulonibus ac pseudo-Christianis,

stianis, tam execrabiles sunt effusæ Epistolæ, quos ego laudare non debui, quum Sacrosancta Sedes Apostolica, iniquitatis eos filios esse decreverit. Vale lector, & secundam eme Inquisitoris Apologiam, quæ Nundinis fortasse nunc Septembribus exhibit in lucem, in qua admiranda quædam ac planè obstupenda contra Capnionem invenies, cujus etiam Cabalam plenam docet esse erroribus. Colonia anno M. c c c c c. x v i i i. tertio Kal. Septembres. Hæc Ortwinus.

*Impressum Colonia, Anno M.
CCCCC. xviii in Augusto.*

Τέλος, καὶ Θεὸς Δόξα.
Finis, & D E O gloria.

[Faint, illegible handwriting]

[Faint, illegible handwriting]

[Faint, illegible handwriting]

2000/22

B.W.











